



www.facebook.com /pepsipng



na painim aut moa long ol narapela promosens blong mipla bihain taim.

# Oposisen i pundaun

- Tripela MP tasol long oposisen...
- Ol memba joinim gavman long kisim DSIP mani...

Stanley Nondol i raitim

NAMBA bilong oposisen long PNG i pundaun na i gat wari olsem was dok bilong gavman long palamen i no gat strong moa long salensim wok bilong gavman olsem i save kamap long ol arapela demokretik kantri.

Ol memba bilong palamen i wok long lusim oposisen lida Belden Namah na namba bilong oposisen nau sanap long 3-pela memba tasol.

Oposisen lida Belden Namah i autim wari bilong em long ol memba i wok long lusim oposisen na go joinim gavman bilong Praim Minista Peter O'Neill na skruim namba bilong gavman i go moa long 100. Na PNC Pati bilong Mista O'Neill i sanap nau 56. Dispela em inap namba long winim sia bilong praim minista long plua bilong palamen.

Mista Namah i tok wok bilong oposisen em i impoten long demokretik kantri olsem PNG tasol Praim Minista O'Neill i no rispektim dispela na i wok long yusim distrik mani o DSIP mani long pulim ol memba long oposisen i go joinim gavman.

Mista Namah i tok ol memba bilong palamen husat i lusim em i mas save olsem ol i lida bilong kantri na wok bilong oposisen long pait egensim pasin korapsen em i bikipela samting. Tasol Mista Namah i tok ol i bihainim mani na gutpela samting na i lus tingting long pait egens korapsen na sevim kantri.

Mista Namah i tok O'Neill gavman i wok long yusim DSIP mani long pulim ol memba i go long gavman sait.

Em i tok gavman bilong Mista O'Neill i save holim bek DSIP mani na wok long grisim ol memba long joinim gavman long kisim dispela DSIP mani.

Tasol Namah i tok em wanpela man i ken stap long oposisen

Mista Namah i mekim dispela toktok bihain long Gavana bilong Madang, Jim Kas, memba bilong Huon Galp Ross Seymour i lusim em na joinim gavman na deputi oposisen lida Sam Basili i lusim PNG Pati na kamap lida bilong PANGU Pati.

## Kisim Tetanus sut...



Mis Reina Yoke bilong Sauten Hailans em i gat 19 krismas i amamas long kisim banis sut bilong Tetanus toksoid. Ekting Seketri bilong Helt, Dokta Paison Dakulala i givim dispela sut long opim Nesenel Helt wik long Mande 18 Ogas.

Poto: Nicky Bernard

I go moa long pes 2...

## Travel Tips

Be a wise traveller



1. Book Flights early



2. Quote your Destinations Loyalty Program or Executive Club Member numbers at the time of booking.



3. Check your ticket for the flight details before you leave the office.



4. Check in 2-3 hours before your departure time. Check in counters close 45 minutes before departure.



5. Excess baggage - baggage over 16kgs (Dom) & 23kgs (Int'l) will be charged.



6. Boarding Gates close 15 minutes before the scheduled departure time.



7. Check in Online. Avoid queues at the counter. [www.airniugini.com.pg](http://www.airniugini.com.pg)



8. If your online check in successful, take your baggage to the airport and check them in.



# Sumatin helpim mama karim pikinini antap long solwara

**WANPELA Helt Ekstensen Opisa (HEO) sumatin bilong Divine Word University (DWU) i bin helpim wanpela yangpela mama long karim namba wan pikinini bilong em antap long solwara long las wik.**

Dispela i bin kamap taim dispela yangpela mama bilong Baliau long Rai Kos, Grace Tambor, i bin painim hat karim gut bebi bilong em.

Sinia helt opisa bilong dispela rurel helt senta long Rai Kos i bin go long Modilon Hausik long Madang long mekim sampela arapela wok, na dispela HEO sumatin bilong DWU, Margaret Kalisi, i bin stap em yet long dispela taim long lukautim dispela yangpela mama.

Margaret i tok em i bin lukim olsem sapos dispela yangpela mama i no kisim helpim, em bai lusim laip bilong em, na tu, pikinini bai dai. Em i bin strong, na em i tok long ol i go long bikipela haus sik long Modilon long Madang taun.

Long go long Modilon Hausik, ol i bin kalap long wanpela bot. Ol bot

i save kisim tripela aua long kamap long Madang taun.

Taim bot i bin ran antap long solwara yet, Grace Tambor i bin pilim olsem em i laik karim stret. Antap long solwara i no bin gat wanpela man o meri long helpim yangpela Grace, wanpela meri tasol husat i bin inap long helpim, em HEO sumatin Margaret.

Long dispela taim Margaret i bin yusim olgeta save bilong em long helpim Grace. Em i no gat ekspirien long mekim dispela kain wok tasol em i bin mekim.

Margaret em i bilong Saunten Hailans, na em i no bin isi long em long helpim wanpela yangpela mama long karim bebi antap long bik solwara taim bot i kalap i go antap na kam daun.

Margaret i tok dispela em i wanpela bikipela salens long laip taim bilong em, na em bai no inap long lustingting long dispela ekspirien.

Grace Tambor wantaim famili bilong em i bin amamas tru long Margaret long helpim bilong em bikos helpim bilong em i bin savim laip bilong Grace na pikinini bilong em.

Bihain long Grace na bebi bilong em i kisim gutpela tritmen long Modilon, ol i go bek long ples bilong ol long Rai Kos, na Margaret tu i go bek long pinisim prektikol bilong em.

Margaret Kalisi em i wanpela ol HEO sumatin bilong DWU husat i wok long mekim prektikol bilong ol long ol rurel ples long Madang, Morobe na Isten Hailans provins.

Ol tisa bilong Margaret i bin salim em i go long Rai Kos Distrik long Madang wantaim sampela ol arapela sumatin bilong DWU.

Rurel Helt Program long DWU i save skulim ol sumatin long kamap ol HEO long ol rurel ples na helpim ol manmeri long hap taim i no gat dokta.

Het ov Dipatmen bilong Rurel Helt long DWU, Dokta Betty Etami Koka, i amamas tru long yangpela Margaret long helpim em i mekim.

Em i tok dispela kain ekspirien bai helpim em long kamap gutpela HEO long taim bihain na givim gutpela sevis long ol pipel bilong Papua Niugini.



Yangpela mama bilong Baliau long Rai Kos, Grace Tambor, i sindaun na holim bebi bilong em na DWU HEO sumatin, Margaret Kalisi i sanap arere long tupela.

## Oposisen i pundaun I kam long pes 1

Mista Kas na Ross Seymour i joinim Nesenel Alaiens Pati na Sam Basil i lida bilong Pangu Pati.

Oposisen i gat 3-pela memba tasol nau; Mista Namah yet, memba bilong Rabaul Dokta Allan Marat na Deputi oposisen lida Sam Basil.

Mista Basil i kisim wok lida bilong Pangu Pati. Em i wanpela memba tasol bilong Pangu na i stap yet long oposisen olsem Deputi oposisen lida.

Mista Namah i tok em i isi long kalap long ol pati tasol winim ileksen long kempen em hatpela samting.

Mista Namah i tok em bin yusim K50 milien long 2012 ileksen long sanapim moa long 90 kendidet na winim 10-pela sia. Tasol 8-pela memba i lusim em na joinim gavman.

Ol memba i win long 2012 ileksen long sponsa bilong PNG Pati em, Jim Kas (Madang), Francis Marus (Talasea), Francis Potape (Komo Magarima), Lauti Atoi (Not Bogenvil), Daniel Mona (Goilala), Akmat Mai (Wes Sepik), Sam Basil (Bulolo) na Lucas Dekena (Gumine).

Olgeta i lusim PNG Pati bilong Namah na Lucas Dekena em kot i bin rausim em na Nick Kuman i win long taim ol i kaunim gen ol vot bilong Gumine.

## Pangu Pati welkam long Basil

### Yakam Kelo i raitim

OLPELA politikel pati insait long Papua Niugini em Pangu Pati na em i mekim bikipela amamas na welkam tru long nupela pati lida bilong em na memba bilong Bulolo Sam Basil long Tunde dispela wik.

Nesenel Presiden bilong Pangu Pati Patrick Pundao i tok tude em olsem bikipela de bilong Pangu Pati bikos kam bilong Sam Basil em olsem lida i kam bilong go pas long Pangu Pati na karim kantri bilong yumi go het.

"Mi lukim yu olsem wanpela trupela lida husat save mekim planti wok long sevim ol pipel bilong yu, na tu, yu gat planti

gutpela tingting na yu man bilong pait long intres na hevi bilong pipel, Mista Pundao i tok.

Astingting bilong Pangu Pati em, Pangu Save long Rot. Nau ol tok Pangu Pati go pas long rot. Em save long rot bilong kisim kantri go long en, kirapim kantri na stretim gut kantri olsem em bin mekim bipo long kisim independens i kam, Mista Pundao i tok.

Em tok olgeta pipel bilong Papua Niugini i save long yu na ol putim ai long yu stap na dispela em bikipela amamas tru ol kisim long harim olsem yu bai go pas long Pangu Pati. Olgeta pipel bilong Papua Niugini na sapot i stap wantaim yu.

Jenerel Seketeri bilong Pati Morris Tovebae tu i mekim bikipela tok welkam na amamas long Mista Basil long kamap lida bilong pati insait long palamen.

Mista Tovebae i tok Pangu i bin lusim lida bilong ol Ludwig Schultz long las yia na ol bin stap olsem maus pas inap nau. Tasol Pangu em bikipela pati tumas insait long kantri na i mas sanap ples klia yet na nek bilong em bai ol pipel bilong PNG mas harim yet.

Olsem na dispela em wanpela bikipela senis tru long lukim Mista Basil i kisim lidasip bilong Pangu em bikipela samting tru long kain eksen man na lida bilong pipel long karim

Pangu Pati go fowet, Mista Tovebae i tok.

Em tok dispela muv tu em i no abrus bikos bipo stori i stap olsem Pangu Pati bin stat long Bulolo olsem na Mista Basil em rait man stret long go pas long pati we i bin bon long Bulolo ilektoret na kirapim kantri.

Olgeta sapota bilong Pangu Pati i stap wantaim yu na yu bai go pas long Pangu long nau go inap long nesenel ileksen long 2017, em tok.

Em i mekim bikipela tok tenkyu na amamas tu go long Oposisen lida na lida bilong PNG Pati Belden Namah na ol opisa bilong em long mekim olgeta pepa wok i ron gut long klaim Mista Basil long go kam aut na joinim Pangu.

## Tripela nupela Minista long O'Neill gavman

TRIPLELA nupela minista bin kisim opis long las wik insait long gavman bilong O'Neill na Dion. Wanpela i lusim wok na kisim nupela wok ausait long ol ministry bilong gavman.

Praim Minista Peter O'Neill bin makim ol nupela minista long kisim wok we em tok bai strongim gavman na tu kamapim bilip long lidasip na ran bilong kantri.

Ol dispela Minista em; William Duma Minista bilong Transpot na Infrastraksa, Malakai Tabar em nupela Minista bilong Haia Edukesen, Delilah Gore em i Minista bilong Komyuniti Dvelopmen na olpela Minista na memba bilong Lae Loujaya Kouza go kamap Interim Siameri bilong Lae Siti Komisin.



Delilah Gore nupela Minista bilong Komyuniti Dvelopmen.



William Duma Minista bilong Transpot na Infrastraksa.



Malakai Tabar em nupela Minista bilong Haia Edukesen.

Long las wik ol tripela minis-ter ya bin sainim pepa bilong ol long opis bilong Gavana Jenerel long makim nupela opis bilong ol insait long O'Neill na Dion gavman long 2014 i go.

Mista Duma i kam bek gen long ministry bihain long em i lusim olpela ministry bilong em olsem Minista i go pas long ol wok bilong Minerel na Petroleum na Minista Tabar i lusim Transpot na Infrastraksa

na nau em i kamap Haia Edukesen Minista.

Delilah Gore i lusim Haia Edukesen na em i kisim ples bilong Loujaya Kouza long opis bilong Komyuniti Dvelopmen.

**Ol gutpela pipol bilong PNG!**

**Noken lus tingting long baim WANTOK Niuspepa Tude! Em niuspepa bilong yumi ol PNG stret!!! K1 tasol!**





### Kisim malolo bihain long swim test

OL nupela rikrut soldia long Goldie Ami Bareks i kam long Sentral Waigani stoa long kisim liklik malolo bihain long hatpela tes swim ol i mekim long Lekron Nevi bes long Kone, Mosbi long Sarere bik morning. Ol dispela nupela rikrut manmeri bai pas-aut long mun Septemba bihain long laspela trening bilong ol long bus bilong Goldie ausait tasol long Mosbi. **Stori na Poto Nicky Bernard.**

# DSIP mani em i konstituseneलग्रेन्ट

Stanley Nondol i raitim



Praim Minista Peter O'Neill

**DISTRIK** Sapot Improvemen Program mani em i konstituseneलग्रेन्ट na i kam anit long lo na olgeta memba bilong palamen i gat rait long kisim, maski sapos ol i stap long oposisen o gavman.

Dipatmen bilong Implementesen na Rurel Divelpomen (DIRD) (pastaim i bin ORD ) na Opis bilong Politikal Pati na Kendidet i tokaut olsem olgeta open na memba bilong palamen i gat rait long kisim DSIP o Provinsal Sapot Program PSIP mani.



Sam Basil-Lida bilong Pangu Pati.

DIRD i go pas long sekap, evaluasen, odit na lukautim gaidlain bilong DSIP na PSIP mani i tokaut olsem DIRD em mani bilong ol pipel long distrik na provins na olgeta memba i mas kisim long taim long mekim wok developmen long 5-ya developmen plen bilong ol.

Praim Minista Peter O'Neill i tok long palamen olsem DSIP em i no konstituseneलग्रेन्ट. Em i mekim dispela toktok bihain long oposisen i askim em bilong wanem na ol memba bilong oposisen i no kisim DSIP mani.

Rejista bilong ol Politikal Pati Dokta Alphonse Gelu i tok olgeta memba bilong palamen i gat rait long ksim dispela mani maski ol i stap long oposisen o gavman.

Dokta Gelu i mekim dispela toktok bihain long planti memba bilong oposisen i lusim oposisen na go joinim gavman.

Olgeta memba husat i lusim oposisen i tok ol i lusim oposisen long kisim DSIP mani bilong ol hariap long mekim wok developmen bikos ol pipel i askim ol bilong wanem na wok i no kamap long ples.

Oposisen lida Belden Namah i tok Praim Minista

O'Neill i holim DSIP mani bek na pulim ol memba bilong oposisen i go joinim gavman.

Memba bilong Bulolo Sam Basil husat i bin putim gavman long kot long i no kisim DSIP mani i joinim Pangu Pati long dispela wik.

Mista Namah i tok DSIP em mani bilong pipel stret na i no mani bilong ol memba bilong oposisen o long gavman.

Mista Namah i tok ol pipel i kisim taim long ples taim gavman i holim bek DSIP mani na i no givim long ol oposisen . Em i tok dispela i no mani bilong ol memba bikos DSIP em mani bilong wok developmen long distrik.

Ol saveman i tok kantri i pulap long risos na bikipela mani bai go long helpim pipel long baset bilong kantri long DSIP. Na strongpela lo i mas kamap long gavman i no ken holim bek DSIP mani. Ol memba i mas kisim DSIP mani long taim na mekim wok bilong helpim ol pipel.

**mobile banking** | **Are you Registered?**  
**Dial \*131#**

I can check my balance

I can transfer money to my wife

I can purchase credits for my mobile phone!

I can transfer money to my savings account

I purchase EasiPay Units at home

I don't need to go into a branch anymore

**For more information**

☎ 320 1212 / 7030 1212 - 24/7

✉ [servicebsp@bsp.com.pg](mailto:servicebsp@bsp.com.pg)

🌐 [www.bsp.com.pg](http://www.bsp.com.pg)

Proudly supporting PNG and the Pacific



# Jokema raitim singsing bilong Pasifik Gems

**PASIFIK Gems Ogenaising Komiti (GOC) i makim pinis singsing bilong makim 2015 Pasifik Gems.**

Taitel bilong dispela singsing em "We are Heroes." Long Tok Pisin bai yumi tok "Yumi ol Sempion." Man husat i go pas long raitim dispela singsing em Honlly Isaac husat em lida bilong ben ol i kolim Jokema.

SiAmeri bilong GOC, Emma Waiwai i tok ol komiti memba bilong GOC i bin makim dispela singsing bihain long ol i harim ol demo singsing bilong wan wan musik manmeri husat i bin salim wan wan singsing bilong ol i go long GOC.

Misis Waiwai i tok singsing bilong Jokema i bin karim ol gut-



**Honlly Isaac, man husat i raitim singsing bilong Pasifik Gems.**

pela toktok insait long ol spot manmeri, na long dispela as, ol i bin makim.

Em i tok i bin gat planti ol arapela singsing bilong ol arapela tu, na em i makim maus bilong GOC na tok tenk yu long olgeta musik manmeri husat i bin salim ol singsing bilong ol i go long GOC.

Misis Waiwai i tok dispela singsing em i wanpela isi singsing we planti manmeri i ken lainim kwik taim na singsing wantaim long taim bilong dispela bikpela pilai.

Olgeta radio stesen long Papua Niugini bai stat long pilaim dispela singsing nau.

"Dispela singsing i no bilong Papua Niugini tasol, nogat, em i bilong olgeta kantri insait long Pasifik," Misis Waiwai i tok.

# EHP makim namba foa ekting edministreta

**Sape Metta i raitim**

PROVINSAL gavman long Isten Hailans i wokim histori nau long makim namba foa ekting provinsal edministreta, maski sapos i bin gat wanpela protes na petisen long dispela posisen i bin kamap tupela wik i go pinis.

Long henova – tekova seremoni long provinsal asembli long Goroka gavana Julie Soso Akeke i bin makim narapela ekting provinsal edministreta.

Dispela apoinmen bilong namba foa ekting edministreta i no go daun gut wantaim ol pablik sevan na planti ol pipel long provins, long wanem, opis bilong provinsal edministresen bai i stap gen aninit long lukaut bilong narapela ekting provinsal edministreta.

Wanpela komyuniti lida long Goroka Francis Warigiso i askim, long wanem as na provins bai makim gen narapela ekting provinsal edministreta?

Em i tok, strong olsem ating provinsal gavman i wok long westim taim tumas long makim ol lain bilong ekting tasol, na i no tingting long makim stret wanpela pemanen provinsal edministreta.

Mista Warigiso i tok, Isten Hailans i gat bikpela hevi long lidasip, long wanem, lidasip long provinsal level slek tru, olsem na apoinmen bilong ol ekting provinsal edministreta bai i no inap stop. Em bai i go yet, na provins bai i no inap lukim wanpela pemanen provinsal edministreta.

Em i tok, strong long ol pablik sevan long sanap strong na go het long protest sapos ol i no amamas long apoinmen bilong dispela namba foa ekting provinsal edministreta.

Provins i makim nau Alvin Inamoi namba foa ekting provinsal edministreta bilong Isten Hailans. Em i kisim ples bilong Bill Kavanamur bihain long taim bilong em i pinis long mun i go pinis.

# Basil stap yet long oposisen

**Stanley Nondol i raitim**

Lida bilong Pangu Pati Sam Basil i stap yet long oposisen na i no joinim gavman bilong Prais Minista Peter O'Neill bihain long em i kamap lida bilong Pangu Pati.

Planti toktok i bin kamap insait long politiks na pablik olsem Mista Basil i kamap lida bilong Pangu na em i lusim oposisen.

Opis bilong Mista Basil i tok em i stap yet long oposisen na i stap yet olsem Deputi lida bilong oposisen.

Oposisen lida Belden Namah i tok posisen bilong Mista Basil i no klia long dispela taim.

Mista Namah i tok Pangu Pati i stap wantaim kolisen gavman bilong O'Neill na em i no klia sapos Mista Basil i joinim gavman o stap yet long oposisen.

Mista Namah i tok ol memba bilong palamen i no gat strongpela tingting long pait egensim korapsen we i wok long kilim kantri.

Em i tok pati bilong em i yusim bikpela mani na winim 10-pela sia long 2012 ileksen tasol ol memba i no stap strong wantaim politikel pati na bihainim mani na kago raun.

Mista Namah i tokaut olsem em i givim tok orait long Sam Basil long lusim PNG Pati na joinim Pangu Pati. Tasol Mista Namah i tok ol edministresen bilong Pangu i wok wantaim gavman na Mista Basil i no tok klia yet long wanem hap em i stap.

Mista Basil i tok em i amamas long kamap lida bilong olpela pati bilong kantri we i gat gutpela histori bilong kamapim gutpela lida insait long kantri.

Em i tok i gat stori olsem Pangu pati i stat long Morobe provins na em olsem memba bilong Morobe i kisim salens long go pas long dispela pati.

Mista Basil i tok em i mekim disisen long kamap lida bilong Pangu bikos ol pipel bilong em long Morobe i laikim em long kamap lida bilong pati ol i bin statim long taim bilong independens.

Em i tok ol pipel i makim em bikos em i gat gutpela rekot bilong lida long givim sevis long distrik na long nesenel politiks long palamen.

Mista Basil i tok em bai kamap mausman na pait strong long wok politiks long nem bilong pati insait long kantri.

Dispela wok bilong kamap lida bilong pati i soim olsem Mista Basil bai lidim Pangu Pati long 2017 nesenel ileksen long kantri.

# Polye salensim O'Neill long LNG winmani

**Stanley Nondol i raitim**

MEMBA bilong Kandep na olpela minista bilong Tresseri Don Polye i tok kantri bai bekim winmani bilong PNG projek long bekim dispela dinau gavman i bin kisim long UBS benk. Em i tok ol toktok bilong Prais Minista olsem kantri bai kisim bikpela sevis long winmani bilong LNG, i no tru.

Mista Polye i tok ol winmani bilong LNG projek bai go stret long bekim UBS K3 bilien dinau we gavman i kisim long baim bek 10.1 pesen sea long Oil Search Limited.

Prais Minista O'Neill i bin toktok long selebresen bilong LNG projek long Pot Mosbi las wik na em i tok

kantri bai kisim bikpela sevis long winmani bilong LNG na gavman bai menesim gut winmani aninit long lo bilong kantri.

Mista Polye i tok kantri bai kisim sevis long winmani bihain long sampela yia taim gavman i pinis long bekim ol dinau mani, na i no kwiktiam olsem praim minista i tok bihain long kantri i salim namba wan ges i go long Japan.

Em i tok rot gavman i bin bihainim long kisim UBS dinau i no stret.

"Mi lukim olsem em i asua long sainim taim mi bin stap Minista bilong Tresseri olsem na em i rausim mi long wok minista," Mista Polye i tok.

Mista Polye i tok gavman i sainim agrimen bi-

long kisim dispela dinau na taitim LNG winmani long bekim UBS dinau. Em i tok praim minista i bin brukim planti lo long sainim dispela dinau we LNG winmani bai go long bekim.

Mista Polye i tok Minista bilong Tresari Patrick Pruaitch tu i klia long dispela na i tok olsem kantri bai kisim sevis bilong LNG winmani sampela yia bihain taim gavman i pinisim ol dinau i kam long ol ausait benk.

Mista Polye i tok Prais Minista O'Neill i mas tok stret long 7.8 milien pipel bilong kantri long wanem taim stret ol pipel bai stat long kisim sevis long winmani bilong LNG projek.

Mista Polye i tok rot gavman i laik kamapim Soveren Welt Fan long menesim winmani bilong LNG i no stret. Em i tok SWF i mas kamap na wok pastaim long kantri i salim ges i go aut.

Mista O'Neill i tokim projek developa na patna olsem gavman bai kamapim SWF lo na klostu taim bai palamen i lukluk long stretim.

Mista Polye i tok nau i no gat SWF na long taim LNG mani kam bai gavman i putim long ol narapela tras akun na pasin korapsen i ken kamap long bikpela winmani bilong LNG.

Mista Polye i tok Prais Minista O'Neill i no ken paulim toktok bikos inkam bilong kantri bai no inap go antap na apim nesenel baset.

"LNG projek i no givim mani long fri edukesen na helt olsem na praim minista i mas tok tru long ol pipel," Mista Polye i tok.

# K3 bilien bai go long wok bilong ol polis

**Stanley Nondol i raitim**

NESENEL gavman i givim tokorait long givim K3 bilien long polis dipatmen i mekim wok bilong lukautim ol bikpela wok developmen i wok long kamap insait long kantri.

Minista bilong Polis Robert Atiyafa i tok dispela em i namba wan taim long gavman i tok orait long K3 bilien i go long wok bilong ol polis.

Mista Atiyafa i tok ol polis i gat bikpela sekyuriti wok long mekim tasol planti samting i no stap stret na gavman i no bin lukluk long ol polis long planti yia.

Mista Atiyafa i tok kantri i gat planti risos na planti winmani bai kam insait tasol bai i gat hevi bilong lo na oda we wok bilong polis i mas kamap gut long lukautim pipel na propeti.

Mista Atiyafa i tok wanpela bikpela hevi em ol haus bilong polis gavman i wokim long bipo tru na planti polis

bareks long kantri i bagarap pinis.

Em i tok i populesen bilong kantri i gro na i gat nid long dipatmen bai apim namba bilong polis fos i go antap moa.

Mista Atiyafa i tok bikpela trening bai kamap long kisim nupela polisman na meri bikos polulesen i bikpela tru na ol polis i sot.

Em i tok gavman i kam long rait taim na helpim polis long stretim planti wok wantaim bikpela mani insait long 5-yia.

Sampela projek polis bai mekim long K3 bilien em;

Stretim olpela haus bilong polis na wokim sampela nupela, wokim nupela polis hetkwata long Pot Mosbi, baim na stretim moa long 2,000 polis kar insait long kantri, wok bilong stretim ol haus bilong polis bai kamap long olgeta yia.

Mista Atiyafa i tok gavman bai wok nupela provinsal hetkwata bilong



**PNG Polis na Australian Federel polis i bung raun.**

polis long ol provins, bai kamap haiwe patrol unit long olgeta haiwe inait long kantri na baim 12-pela helikopta na tupela liklik balus bilong polis.

Mista Atiyafa i tok taim ol rikut i stap long trening bai sainim tok

promis long ol i no ken dring bia na kaikai buai.

Em i tok polis bai apim namba bilong ol polis long boda long helpim ami bilong PNG long putim was long ol ausait birua.

# Okapa Praimeri selebretim 60 yia

**Sape Metta i raitim**  
**KLOSTU long 2,000 manmeri na ol skul pikinini, ol tisa na ol ges i bin kamap long selebretim 60 yia aniveseri o bon de bilong Okapa Praimeri Skul long Isten Hailans long tupela wik i go pinis.**

Okapa Praimeri em i namba wan o paonia skul we i bin kirap long rurel Okapa distrik long 1954.

Long las 59 yia, em i no bin kamapim wanpela pasin amamas long selebretim bon de bilong em i kam i nap long Julai 31, 2014 em i kamap 60 yia. Na long namba wan taim, em i selebretim 60 yia

aniveseri bilong em. Long taim bilong selebren, skul i bin givim luksave long siaman bilong Nesenel Geming Kontrol Bod, Leslie Hoffman, husat i bin kamap olsem opisel ges long aniveseri we em i bin openim wanpela nupela tupela stori bilding bilong skul i gat 4-pela klasrum long en. Nesenel Geming Kontrol Bod i bin fandim wantaim mani mak inap long K200,000.

Dispela bilding we skul i bin givim nem – Nesenel Geming Kontrol Bod bilding bai gat long en kompyuta leb bilong skul, laibrerti, konfrens rum, edministresen opis, toilet na

rum bilong waswas. Hetman bilong skul, Felix Kauvianda i tok, long ol tausen fi fri (TTF) fans we i save i kam long opis bilong nesenel gavman, skul bilong em i no save kisim ol narapela luksave i kam long gavman long nesenel na provinsal level insait long las 60 yia.

Em i tok amamas long Nesenel Geming Kontrol Bod long luksave na sapotim skul bihain long 60 yia.

Long aniveseri seremoni, gavana bilong Isten Hailans Julie Soso i luksave long nid bilong skul na i givim K100,000 i go long skul long helpim na strongim em yet long

kamapim moa developmen.

Long wankain taim tu, skul i bin lonsim K5.2 milien infrastraksa developmen plen na em i lonsim tu fleg na yunifom kala bilong skul.

**Ol lidaman na opisel ges (long lep i go long rait) em Hailans Provinsal Dairekta bilong Koporet Sevis, Ben Ulopo, olpela gavana bilong Isten Hailans Aita Ivarato na hetmasta bilong Okapa Praimeri skul Felix Kauvianda i bungim han na katim 60 yia bon de kek-long Okapa distrik.**

*Poto: Sape Metta*



# Ol Woda meri pinisim namba 5 konprens bilong ol

Klostu long 150 meri opisa bilong Koreksenal Sevis long 11-pela Pasifik kantri i bin pinisim wan wik konprens bilong ol long Gateway wantaim gutpela tingting long holim ol konprens olsem long bihain taim.

Minista bilong Koreksenal Sevis, na Palamen memba bilong Wewak Open, Jim Simatab i bin stap long pasim dispela kibung bilong ol meri woda, wantaim 5-pela komisina bilong CS bilong 5-pela kantri i stap wantaim.

Mista Simatab i tok amamas long ol meri woda long strongpela tingting ol i gat long kamapim dispela kain kibung.

“Yupela i no ken tru pret long mekim wok bilong yupela wantaim gutpela tingting long yupela yet. Yupela i ken wok namel long ol man gut sapos yupela i gat gutpela tingting long mekim gut wok bilong yupela,” em i tok.

Mista Simatab i tok moa olsem em i laik long lukim planti moa meri opisa i go antap long kisim ples long opis bilong Koreksenal Sevis long posisen bilong komisina o deputi komisina. Nau yet em mak bilong ol meri i stop tasol long Suprintenden Opisa.

Long wankain taim, Minista Simatab i tok amamas long ol wantok CS opisa bilong ol narapela Pasifik kantri husat i bin kamap

long Mosbi long wan wik.

“Ating yupela i no kam long Pot Mosbi tasol yupela i no lukim olgeta Papua Niugini. Papua Niugini em i bikpela kantri tasol nau yet mak bilong ol manmeri i wok long kisim potnait pe i stap daunbilo tru long ol narapela Pasifik kantri. Olsem na ol sevis long ol pipel tu i no gutpela tumas yet,” Mista Simatab i tok.

Long pinis bilong konprens, ol Papua Niugini opisa wantaim Minista i givim wanpela liklik kanu i go long CS Komisina bilong Fiji olsem piksa bilong skruim konprens bilong yia bihain i go long kantri bilong ol.

Fiji Komisina i tok tenkyu long bikpela samting ol PNG i wokim long lukautim ol gut tru.

“Mipela i kam na putim sampela kilo i go antap long bodi bilong mipela na tu mipela lainim planti samting long yupela. Dispela bai mipela i putim long tingting bilong mipela na karim i go bek,” Fiji CS Komisina i tok.

PNG gavman i bin helpim gut ol meri koreksenal opisa long holim dispela kibung wantaim K300,000 i go pas na gen narapela K500,000 ol i makim long karamapim olgeta kos bilong konprens. PNG yet i bin gat 90 meri opisa i stap na wan wan bilong narapela kantri i salim klostu 34 memba i kam.



**Minista Jim Simatab i givim kanu i go long CS Komisina bilong Fiji long ol bai holim konprens bilong ol meri woda long 2015.**

**(L-R) Praivet Helen Wagera na Lens Kopul Yas Okaimaisa bilong Beon Koreksenal Sevis i makim ol meri woda bilong Madang na i kam stap long Konprens long Mosbi las wik.**



# Tupela meri i dai long traibel pait

TUPELA meri wantaim wanpela lida bilong komyuniti long Hulua LLG long Hela Provins i bin dai long pait taim ol lain birua i sutim ol long gan.

Plantu haus bilong gavman na 2500 haus bilong ol pipel wantaim 5-pela haus lotu, wanpela Elementri skul klasrum, haus tisa i bin paia.

Aluma Elementri Skul klasrum, haus tisa na haus bilong 5-pela sios, SDA, Katolik, Yunaitet Sios na ECP i bin paia wantaim ol ples lain na olgeta i ranawe long hap

bilong pait taim 13 lain wanpisan i kam bringim pait long Tikipi Wod 1 Kaunsil long Hulua.

Plantu man, meri na ol pikinini (35) tu i kisim bagarap long ol gan na spia insait long pait i stap tupela de.

Presiden bilong Hulua LLG na Tikipi Kaunsil, Mathew Agobe i bin tok olsem pait i bin kirap long taim wanpela meri bilong Atabia klen i bin kros wantaim sampela man husat i wok long lukim wanpela ragbi gem long Halabi distrik ste-sen, na em i tok nogut long ol. Ol

man i kirap long paitim em nogut tru na ol brata lain bilong em i helpim em long pait.

Mista Agobe i tok, Aluma Elementri skul i save gat 100 sumatin tasol nau em i pas pinis na ol tisa na ol pasto bilong ol sios tu i ranawe pinis na i go long narapela hap.

Tupela meri husat i dai em Komo Wali, mama bilong 5-pela pikinini na Songai Bibe, mama bilong 4-pela pikinini.

Tupela klasrum i stap long mani mak bilong K100, 000 wantaim

haus tisa long mani mak bilong K150,000 i paia pinis. Dispela em ol projek bilong Memba bilong Komo-Magarima Francis Potape aninit long distrik sevis impruvmen program (DSIP) na Lokal Level Gavman Sevis Impruvmen Program (LLGSIP).

Wanpela polisman long Hela wantaim Deputi Gavana na Komo LLG Presiden Thomas Potape i tok trabel i go bikpela tru na i kalap go long ol arapela ples tu.

Ol lida bilong Hulua LLG nau i singaut long Hela Gavana, Ander-

son Agiru na Komo Magarima Memba bilong Palamen, Francis Potape long putim mani long helpim ol polis na Difens Fos long go na stopim dispela pait.

“Komo Magarima Distrik i papa long malti-milien kina bilong PNG LNG Projek na mipela i no laikim dispela kain traibel pait long kamap. Mipela laikim ol lida long kamapim wanpela stet ov imejensi, na tu ol polis i mas kam na arestim ol lain i statim dispela pait,” ol lida bilong Hulua LLG i tok.



# Crime Stoppers program i givim gutpela helpim

**Bustin Anzu i raitim**

*CRIME Stoppers program* bi-long polis i helpim ol long holim pasim wanpela trabelman long las wik long Konedobu, Pot Mosbi.

Ol witness i lukim dispela trabelman na kwiktam ol i ringim Polis Media Unit na hariap tru, ol i holim pasim em klostu long Sir John Guise Stadium na kisim em i go long polis stesen na lokim na sasim em.

Dispela yangpela trabelman em Joren John Joel, husat i gat 22 krismas na em bilong Milen Be.

Polis i bin kisim stori olsem dispela yangpela man em ol i bin painim em bihain long em i repim wanpela meri.

Dairekta bilong Polis Midia Yunit, Sif Superintenden Dominic Kakas i tok piksa na stori bilong Joren John Joel i save kamap long *Crime Stoppers program* bilong polis long EMTV, na dispela i helpim ol long holim pasim dispela yangpela trabelman.

Bihain long kamapim dispela hevi long Pot Mosbi, Joren i



**YANGPELA TRABELMAN:** Joren John Joel em yangpela trabelman wantaim Konstebol, David Leo. *Poto: Polis Midia*

haitim em yet o ronawe long polis long ol i no ken holim pasim em.

"Piksa bilong Joren na ol stori long dispela hevi bilong em i save kamap long *Crime Stoppers program* long Me na Jun dispela yia, na dispela i soim

gutpela wok namel long ol polis na komyuniti we Polis Media i kamapim," Superintenden Kakas i tok.

Superintenden Kakas i tok wanpela bikpela tingting bilong *Crime Stoppers* em long kamapim o strongim wok bilong

polis long mekim wok bilong ol stret long mekim wok painim aut long ol trabel na menesim gut ol kes.

"Olgeta manmeri husat i kamapim ol bikpela trabel i mas kamap long kot na kot yet i ken givim mekim save long ol. Wok bilong ol em long toksave long pablik long *Crime Stoppers* husait em ol dispela trabel lain," Kakas i tok.

*Crime Stoppers program* em long toksave long ol pablik o serim infomesen wantaim ol long helpim ol painim ol lain husait i save brukim lo na ronawe hait.

"Long pablik i ringim polis na toksave long dispela trabelman Joren i soim olsem pablik i save bihainim ol program bilong polis long *Crime Stoppers* na ol i laik helpim polis long daunim hevi," Kakas, em bos bilong polis media yunit i tokim *Wantok Niuspepa* olsem.

*Crime Stoppers* presenta, Inspekta David Terry i kisim Joren i go long Boroko Polis Stesen na givim i go long CID Seksen long mekim moa wok painim aut na stretim pepa bilong em long go long kot.

## Lo mas lukautim gut famili na pikinini

INSAIT long Papua Niugini, i gat planti pikinini na ol famili long ol komyuniti we lo i no lukautim ol gut. Ol dispela lain i save bungim kain kain hevi long laip bilong ol.

Pasin bilong lukautim gut ol famili na pikinini em i bikpela samting, na gavman bilong Australia na Papua Niugini i kamapim ol woksop bilong strongim lo bilong lukautim ol famili na pikinini.

Ol dispela woksop bai kamap long wan wan rijon insait long kantri na bai pinis long neks mun.

As bilong kamapim ol dispela woksop em long kamapim

awenes long ol distrik kot long strongim ol lo bilong Famili Proteksen Ekt na Juvenail Jastis.

Sif Mejistret, Nerrie Eliakim i tok dispela woksop bai helpim Mejisteriel Sevis long kamapim ol gutpela lo bilong lukautim ol pikinini na famili.

Sif Mejistret Eliakim i tok Famili Proteksen Ekt em i wanpela nupela ekt na ol mejistret i mas klia gut long dispela na wanem gutpela samting dispela ekt bai kamapim long kantri.

"Pasin bilong bagarapim ol famili na pikinini i bikpela tru insait long kantri, na dispela woksop bai helpim Mejisteriel Sevis long kamapim gutpela lo long

daunim ol dispela bagarap," Sif Mejistret Eliakim i tok.

Sif Mejistret Eliakim i tok dispela em i gutpela awenes bilong Mejisteriel Sevis, long wanem, em bai helpim ol long mekim wok bilong ol stret, na kamapim gutpela sosaiti we ol i pipel bai stap gut wantaim bel isi.

Ol sinia mejistret bilong wan wan provins em ol lain husat i go pas long lukim olsem dispela ol lo bilong lukautim ol pikinini na famili i karim kaikai.

Dispela woksop bai kamapim ol rot bilong toktok wantaim ol yangpela tu long helpim ol long kamap ol gutpela pipel insait

long wan wan komyuniti bilong ol.

Kaunsela bilong Developmen Koperesen long Australia Hai Komisen, Richelle Tickle, i tok Famili Proteksen Ekt na Juvenail Jastis Ekt em ol impoten lo long kantri we i gat strong long kamapim ol gutpela komyuniti.

Em i tok Australia i amamas tru long wok bung wantaim Mejisteriel Sevis, Dipatmen ov Jastis na Atoni Jenerel na UNICEF.

Em i tok sapos yumi lukautim gut ol pikinini bilong yumi tude, ol bai lukautim gut kantri bilong yumi long taim bihain.



Mejisteriel Sevis bai lainim planti samting long dispela woksop long helpim long lukautim ol pikinini na famili insait long kantri.

## Diani Praimereri Skul i gat nupela klasrum

DIANI Praimereri Skul long Salt LLG long Karamui Nomane Distrik, Simbu Provins, i kisim wanpela nupela dabol klasrum, na opis bilong ol wok lain.

Ol dispela nupela samting i kam long helpim bilong memba bilong ilektoret, Mogerema Sigo Wei.

Dispela Praimereri Skul i bin kamap long 1972 long taim bilong self gavman long Domai eria na bihain ol i bin muvim i go long Diani long 2003 bikos long ol pait namel long ol wan pisin.

Mani long sanapim ol dispela nupela klasrum na opis i kam aninit long 2013 DSIP Grant. Ol wokman i bin kisim tripela mun long pinisim wok.

Mani mak olsem K150,000 em ol i yusim long kamapim dispela nupela klasrum na opis.

Ol bikman husat i bin kam long lukim opening bilong ol dispela fasiliti i bin amamas tru na tok mani bilong DSIP em i helpim distrik bilong ol long kamapim ol gutpela klasrum bilong ol pikinini bilong ol.

Memba bilong ilektoret i no bin stap long opim dispela nupela klasrum na opis bikos em i bin bisi wantaim ol arapela wok bilong Palamen.

Distrik Edministreta, Limbia Tiagoba na LLG Presiden, Thomas Bare i bin stap long makim maus bilong memba.

Het Tisa bilong skul, Paul Kakoba i bin stap long tenkyu long olgeta husat i bin helpim long kamapim dispela projek.

Mista Tiagoba na Mista Bare i toktok strong tu long ol pipel bilong komyuniti long stap wantaim bel isi na lukautim dispela nupela klasrum na opis.

Diani Praimereri Skul bai nau kamap Thomas Waia Diani Praimereri Skul. Thomas Waia em wanpela bikman long dispela eria we planti manmeri i gat bikpela rispek long em.



Salt LLG Presiden, Thomas Bare i katim ribon long opim nupela klasrum long LLG bilong em.



# PIH Saveman Nius

"I kam long Pacific International Hospital Port Moresby"

Ph: (675) 323 4400 Fax: (675) 323 4600 Website: www.pih.com.pg

## Stori bilong PIH

### Nem bilong ol Dokta

- Dr. Amyra Sultan (Ophthalmologist- Ai sejen)
- Dr. Mathias Sapuri (Obstetrician/ Gynaecologist- Dokta bilong meri)
- Dr. Paul Alexander (Medikal Dairekta na Laparoscopic sejen)
- Dr. Rajesh Paudel (Asisten Medikal Dairekta - Bos bilong Eksiden na imejensi)
- Dr. Paul Mondia (Intenel Medisin)
- Dr. Frank Tarova (Jeneral Sejen)
- Dr. Ronald Galicio (Cardiologist- Hat dokta)
- Dr. Onne Rageau (Obstetrician/ Gynaecologist - Dokta bilong meri)
- Dr. Mary-Julian Baki Leslie (Paediatrician - Dokta bilong pikinini)
- Dr. Felicidad Cabrera (Jeneral Dokta)
- Dr. Venu Sudhir (Orthopaedics - dokta bilong bun)
- Dr. Ringo Sitaing (Anaesthetist - dokta bilong mekim sikman slip)
- Dr. Jyotsna Nath (Anaesthetist - dokta bilong mekim sikman slip)
- Dr. Melissa Galicio (Anaesthetist- dokta bilong mekim sikman slip)
- Dr. Jagadish Ebenezer (Dentist - dokta bilong stretim tit)
- Dr. Jonathan Oblefias (Pathologist - dokta bilong lukim ol binatang bilong sik)
- Dr. Alfonso Nieva Blanch (Radiologist- X-rei dokta)
- Mr. Ramesh Pharuman (Physiotherapist) Dokta bilong stretim bodi - Konsalten vista
- Dr. Pius Uno (Radiologist) X-rei dokta
- Dr. O. Liko (Urologist)
- Dr. Kaminiel (Orthopaedics)
- Dr. James Naipao (ENT) Dokta bilong iau, nek na nus
- Dr. Manoj R. Antony,
- Dr. Shyam Mohan,
- Dr. Zay Htut,
- Dr. Khyaw Khine,
- Dr. Wahwah Soe,
- Dr Ronny Koli
- Dr Sleeva Reddy Kancukuri



**Pacific International Hospital**  
Stores Road, Next to 4-Mile PMV Stop,  
P.O. Box 6103, Boroko, NCD,  
Ph:(675) 323 4400 Fax: (675) 323 4600

**Vision City PIH Clinic**  
Near the underground entrance  
Mob: 7100 2873  
343 1582 - Landline

**PIH Specialist Clinic- 3 Mile**  
Ph: 311 3000/311 2888/ 310 7333

## Baksait pen bilong ol meri

Papua Niugini em i naispela ples long stap, na i gat planti gutpela samting i stap long yumi ken amamas long en. Tasol wanpela bikpela samting i mekim hat liklik long stap long hia em olsem, planti wok yu mas mekim, em i save nidim bikpela strong long bodi na dispela i save givim pen long bodi bilong yu.

Ol meri long PNG, taim ol i kamap long 40 yia bilong ol, ol i save pilim pen long baksait na skru bilong lek.

**Yupela hamas meri nau i gat pen long baksait?**

**Wanem taim yu save pilim pen long baksait?**

**Bai yu ken pilim olsem;**

- Taim ples i wet na kol, baksait bilong yu bai pilim pen
- Taim yu kirap long moning taim, yu pilim baksait bilong yu i tait na pilim pen olsem sua.
- Taim yu sindaun na brukim lek longpela taim, baksait bilong yu i pilim pen, na yu painim hat long kirap isi na stretim baksait.
- Yu kisim pen long baksait taim yu wok long wokim bilum, basket o mat, paitim saksak, wasim klos, wasim plet, kap sopen o kuk stap.

I gat planti as long kisim pen long baksait, tasol wanpela bikpela tru long PNG em:

- Yu save wok hat tumas. Kain wok olsem long paitim saksak.
- Sampela wok yu save mekim em yu save sindaun planti. Kain olsem wasim klos, kukim kaikai, wokim mat, bilum o basket na sampela wok olsem klinim plua wantaim strongpela bras samting, na sampela narapela wok we i save mekim yu muvim bodi bilong yu i go i kam.
- Yu brukim lek na sindaun long plua
- Yu sanap long wara o solwara long huk longpela taim na kol i kisim yu, na bihain gen yu karim dispela pis wantaim hevi i go long huas
- Yu save karim bikpela hevi samting tumas.

Wanpela samting mipela i save i kamapim pen long baksait em i olsem, ol hap bodi bilong yumi i no gutpela long yumi mekim wankain pasin planti taim. Em ol i ken kisim bagarap.



Taim yu lukim olgeta wok ol meri long PNG i save mekim long wan wan de, yu ken lukim olsem planti wok em i bilong brukim baksait na wok, i no bilong sanap. Sapos yu brukim baksait i stap longpela taim na yu no save kisim malolo, long stretim baksait na muvim bodi long narapela we, em nau baksait bilong yu bai kisim pen. Sampela bilong yupela ol meri i save wokim basket, bilum na mat na sindaun planti aua moa long mekim, no gat malolo.

Ol masol na join long baksait i kamap tait na pen tumas sapos yu mekim wankain samting tasol planti taim na olgeta de na yu no traime long senisim pasin na stretim baksait i go long narapela sait.

Mi wanpela Pisisio (dokta bilong bun) mi laik mekim wanpela samting em bai helpim yu long, longpela taim.

Yu save kisim wanem kain marasin o mekim wanem long stretim baksait pen?

Pisioterapi tritmen bilong LBP (Lumbar Back Pain) i save gat planti teknik o pasin long mekim, wanpela em long hatim bodi (heat therapy), altrasaun, presim o bengim bodi, muvim bodi, ekksesais, na kisim skul long stretim pasin bilong sindaun na stretim bodi. Stretim na strongim bun baksait klostu long as (specifically lumbar multifidi and transverse abdominus) wantaim program bilong stretim bun baksait klostu long as em i bikpela

hap bilong rihabilitesen o stretim baksait bilong husat meri o man i gat sik o pen long bun baksait klostu long as.

**Lamba Stabilaisesen Program o Program bilong stretim bun baksait klostu long as em i wanem samting?**

Lamba Stabilaisesen Program o stretim bun baksait klostu long as, em i wanpela program we ol i helpim yu long wokim ol ekksesais long strongim na slekim o stretim masol long pasin we i no givim pen. Dispela em bai helpim meri long gat gutpela strongpela bodi na daunim pen na tu em bai i ken helpim em long muvim bodi gut gen. Em i mekim sikmeri o sikman i luksave long wanem kain wei em i muvim bodi bai givim pen long bun baksait na wanem kain we em i seif na wanem we bilong sindaun, sanap o brukim baksait bai helpim long lukautim LBP o pen long bun baksait.

Pastaim long statim wanpela program bilong stretim bun baksait klostu long as, sikmeri o sikman i mas lukim praimer helte kea dokta o terapis bilong em pastaim. Medikal Dokta (MD) wantaim Pisisio Terapis (PT) wantaim bai wokim wanpela gutpela na isi rihabilitesen program wantaim ol teknik o pasin mi kolim pinis antap wantaim program bilong stretim bun baksait klostu long as. Wanwan sikmeri o sikman i save gat kain kain hevi na pen, olsem na wanpela pisikal terapis i mas disainim na was long rihabilitesen program bilong em.

**Stretim bun baksait (Spinal Stabilization)**


Namba wan hap bilong trening bilong stretim bun baksait i save stat wantaim wok bilong slekim wan wan masol bilong bodi. Trening bai stat wantaim tok stia i go long sikmeri o sikman long wanem wei em bun baksait i save sindaun o stap long bodi. Bun baksait i save sindaun stretim taim ol i putim wanpela klok long bel bilong sikmeri o sikman, na 12.00 i stap long beli baten bilong em na 6:00 kilok i stap antap long bun antaplong as bilong bilong bel. Senisim na bun bilong as bilong bel bai mekim 12:00 bai tanim i go daun long plua na bihain gen 6:00 bai tanim i go long plua. Ol bai wokim dispela pasin isi, isi inap 10-pela taim olgeta. Taim yu pilim gut long wanem kain posisen dispela senisim pes bilong klok i go em tasol bai stretipela posisen bilong bun baksait bilong yu i mas stap olgeta taim. Yu mas was gut long holim dispela posisen long bodi olgeta taim yu muvim bodi na mekim wok na tu long taim yu wokim program bilong stretim bun long baksait.

PASIFIK INTENESENEL HAUS SIK i ken helpim yu wantaim namba wan na nupela teknik o we bilong terapi. Ol pisioterapis bilong mipela i gat moa save long helpim yu long daunim wanem kain pen yu gat na ol i gat ol speselis tritmen bilong kain kain pen bilong baksait, bun na ol sik long ol rop na sistem bilong bodi. Sapos yu laik save moa long Pasifik Intenesenel Haus Sik Pisioterapi Praktis, yu ken go long Visen Siti Famili Klinik na ol i ken helpim yu long kam long mipela long sekap na mekim sampela wok bilong Rihabilitesen o stretim bodi.

**Ramesh Dharuman PT, MFTPR, MET**  
Pasifik intenesenel Haus sik- Visen Siti Famili Klinik.

### DISCLAIMER

"The medical information in this article is provided as an information resource only, and is not to be used or relied on for any diagnostic or treatment purposes. This information is not intended to be patient education, does not create any patient-physician relationship, and should not be used as a substitute for professional diagnosis and treatment. Please consult your health provider"



**"Wanem hap yu stap? Yu save husat 3-pela meri i gat baksait pen oltaim? Wanem krismas bilong ol? Krismas bilong ol i hamas taim ol i kisim baksait pen?"**

**"Nau sapos yu gat pen o hevi long narapela hap bilong bodi, salim teks i kam na dokta bilong PIH bai i ken traime bekim wari bilong yu insait long Wantok niuspepa narapela taim gen."**

Plis no ken ring i kam, salim teks tasol i kam long digicel namba 7155 8866 na givim nem na adres yu teks long en. No gut bai yu winim wanpela prais!



# Moa pipel sotim marasin long Ganglau etpos

JAMES G. KILA i raitim

**MUVMEN o pasin bilong ol manmeri long muv i go stap long gutpela ples i kamapim hevi long marasin i sot long Ganglau etpos long Raikos distrik long Madang provins.**

Okupesenel Helt na Sefti nening opisa, Paul Konare i tokaut long dispela bihain long planti nupela lain i wok long muv i go stap klostu long Basamuk na dispela i givim hevi long Ganglau etpos long sait long marasin na ol arapela medikol saplai.

Konare i tok namba bilong ol manmeri o populesen long Basamuk eria long Raikos distrik i go antap stret insait long las foa na faivpela yia bihain long Ramu NiCo i sanapim rifaineri bilong en long hap.

Dispela bikpela developmen i lukim ol manmeri bilong narapela eria long Raikos na tu arapela ples long PNG i go stap klostu long Basamuk bikos ol i painim wok.

Konare i tok olsem Ganglau etpos i stap aninit long gavman na Dipatmen ov Helt na i save serim foapela wod long Yaganon sensus divisen long Raikos, stat long wod 26 i go long wod 29.

Tasol long dispela taim namba bilong ol manmeri i go antap long Basamuk eria na i givim taim liklik long painim inap marasin long

sevim ol pipel.

Mista Konare i raitim leta i go pinis long Raikos Distrik Helt Menesa long dabolim namba bilong marasin i go long Ganglau etpos long sevim bikpela namba bilong ol manmeri husat i save go kisim helt sevis long hap.

Em i tokaut tu olsem divelopa, Ramu NiCo (MCC) i save helpim Ganglau etpos wantaim K3,500 medikol saplai insait long tupela mun bikos em i bihainim rekot bilong ol lain save go long etpos long pastaim.

Tasol dispela medikol saplai i save pinis long wanpela wik tasol. Dispela em bikos moa lain i save go long etpos long kisim marasin.

Em i tok Madang provinsal helt opis i save givim kwata medikol saplai long etpos, tasol dispela i save pinis insait long tripela wik.

Konare i tok olsem nau yet Ganglau etpos i gat wanpela nening opisa na tupela komyuniti helt woka (CHW) husat i save sevim moa long 6,000 manmeri.

Em i tokaut olsem populesen insait long Basamuk eria i go antap stret na pipel i nidim stret ol medikol saplai bikos eria bilong ol i stap longwe long ol senta long Saidor stesin, Biliau na Ileg.

Konare nau yet i askim Raikos distrik edministresen long lukluk moa long helpim Ganglau etpos wantaim medikol saplai.



Dokta bilong Ramu NiCo sekim wanpela pikinini long Jangak viles klostu long Basamuk long taim bilong fri medikol tes. Foto: James G. Kila

## Ol gutpela sait bilong Risos Prodaksen aninit long Solwara

**Solwara 1 Projek em stat bilong nupela industri bilong risos prodaksen aninit long solwara. I gat planti gutpela samting bilong kain industri long solwara. Ol samting olsem:**

Nogat Teiling

Nogat man bai lusim ples

Nogat bagarap long graun long kamap long projek eria

Bikpela wok na liklik pipia

Seifti bilong ol wokman em bikpela (olgeta operesen i stap longwe)



Stori bilong Nautilus Minerals Inc.

Nautilus em i namba wan kampani long go daun aninit long solwara long painim bikpela polymetalik salfaid i stap insait long as bilong solwara na em i wok long kamapim namba wan projek long Solwara 1, insait long ol solwara bilong Papua Niugini, we em i laik kisim kopa na gol. Kampani i kisim tok orait pinis long ol envairenmen na maining permit. Sapos yu laikim moa toksave, rait i kam long: P O Box 1161, Port Moresby, NCD o lukluk long websait bilong mipela long:

www.nautilusminerals.com / www.cares.nautilusminerals.com

## NDOH statim nesenen helt wik

Frieda Sila Kana i raitim

NESENEL Dipatmen ov Helt (NDOH) i bin opim nesenen helt wik, long Mande dispela wik ausait long St. John Ambulance Gerehu Haus Sik long Nesenen Kapital Distrik.

Ekting Seketri bilong NDOH, Dokta Paison Dakulala i bin stap wantaim ol narapela bikpela patna bilong gavman olsem UNICEF na WHO long tokaut long namba wan tingting bilong Nesenen Helt wik dispela yia.

Bikpela tingting bilong nesenen helt wik em i tok olsem; 'Mekim wok bilong rausim tetanus long ol meri.'

Papua Niugini i bin givim namba wan luksave long helt wik long Ogas 2008, bihain long tok orait i bin kam long Wol Helt Asembli long

2007 aninit long pastaim Minista bilong Helt Sasa Zibe.

Dokta Dakulala i bin makim maus bilong Minista Malabag tu na i givim toktok bilong em.

Em i tok, luksave bilong helt wik i kamap long Gerehu St. John's haus sik bikos ol i laikim ol woklain bilong haus sik bai soim olsem wanem ol i bai givim tetanus sut. Em i tok wok bilong helt em i wok bilong olgeta lain.

'Wanpela tok long buk baibel i tok, 'ol pipel bilong mi i wok long dai bikos ol i no gat save',. Olsem na pasin bilong stap longlong na i no bihainim gutpela toktok em i wanpela bikpela as bilong dai i save kamap,' Dokta Dakulala i tok.

'Yumi stopim sik pastaim em i moa beta long yumi wet inap yumi kisim sik na traim long painim haus sik na marasin,'

em tok.

Helt Promosen i bikpela samting insait long helt dipatmen. Tetanus em i wanpela bikpela salens long wol. Planti lain i save dai bikos ol i no kisim tetanus banis sut long stopim binatang nogut taim em i go insait long bodi bilong ol.

Binatang bilong tetanus i save stap insait long graun na em i save go insait long bodi taim ol i katim skin o skin bruk long bodi. Ol i putim dispela bikpela tingting long rausim tetanus long olget meri long PNG, bilong wanem ol meri i save karim pikinini na dispela sik i ken kamap long nupela bebi taim mama i no karim long gutpela haus sik.

Helt Dipatmen i singaut long olgeta yangpela meri krismas bilong ol 15 na inap long 45, long go long haus sik na kisim dispela sut hariap.



Ol lain i kamap long taim bilong opim helt wik i kisim planti tok save pepa long tebol bilong Helt Dipatmen Edukesen na Promosen Yunit. Foto: Nicky Bernard.



**National Roads and Infrastructures in PNG**

# The first flyover project in PNG and Pacific

**THE Kookaburra Flyover project in PNG is the first of its kind in the whole of the Pacific.**

Despite a slow start last year due to compulsory land acquisition and relocation of occupants and some services, the Project has progressed significantly in the last few months.

The project has clocked over 318,330 man-hours to date with Zero LTI's (Lost Time Injuries).

Majority of the people employed are local to the area (over 120 of the 140 staff currently employed on the

project).

A snapshot of works completed to date:

- All Piling works complete - 40 no. of piles completed out of 40.
- 28 no. columns completed out of 40
- 6 no. headstocks completed out of 20
- 50 no. Super-T's completed out of 133
- 7 no. of Super-T concrete structure has now been installed (see photo).
- Civil works has commenced for the Oriole to Magani Crescent.



Global Constructions Ltd, PO Box 1453, Boroko, NCD  
Tel: (675) 321 0930 Fax: (675) 321 0793 Email: GlobalMoresby@globalconst.com.pg

# Investment in City roads will reap benefits

CONSTRUCTION and upgrading of all road projects in Port Moresby will tremendously benefit the residents of NCD in the long run despite criticisms from the public.

Chinese Ambassador to PNG, Li Ruiyou revealed this at the ground-breaking ceremony of the Hanuabada to Gerehu and Gerehu to 9 Mile road projects at Gerehu recently.

Ambassador Ruiyou said China started its economic development by investing heavily on roads and infrastructures in the early 1980s and now China is one of the world economic superpowers.

"To experience development and prosperity you must first construct more roads. When road connects every provinces and communities in PNG you will see companies come to do their businesses and also having access to health, education and social services will become possible. I would like to commend NCDC for taking the initiative to invest on roads and infrastructures development in the city because in the long term many economic activities and opportunities will pop up and you won't regret it," Ruiyou said.

NCDC, under the political leadership of Governor Powes Parkop, has taken the initiative to construct and upgrade all major road

networks in Port Moresby and they include the 8Mile to 9Mile road, 6Mile to 7Mile road, Paga ring road, the Kookaburra flyover bridge and the Hanuabada to 9Mile road among others. In recent weeks some of these projects have come under attack from the public and prominent citizens who criticised the Commission on the amount of monies used to construct those roads which cost millions of kina.

Minister for Health and HIV and Member for Moresby North-West Michael Malabag, however defended NCDC's decisions to invest big time in roads and infrastructural developments in the city.

"Our population in NCD has increased drastically which has put a burden on the limited amount of services we are providing in the city. It has affected the working class people and students who go to work and school daily. Traffic jam happens almost every day in NCD and therefore construction of these major roads and access roads will ease the flow of traffic in the city therefore, we have to invest millions of kina into it for the benefit of our residents before the issue gets out of hand," Mr Malabag, who is also a Commissioner on the NCDC Board, said.

Global Constructions Ltd specializes in all aspects of roadwork's and aerodrome works. We maintain high standards in the following fields:

- Heavy earthworks operations
- Mobile crushing operations
- Full road constructions throughout PNG
- Bitumen sealing works and maintenance
- Plant Hire
- Full Airport pavement works with Bitumen sealing applications



**We ensure high Standards of Practice;**

- Bitumen Sprayer Certification to Australian Standards
- Qualified Specialist with vast experience in different fields
- Quality Service, Technical Support and Specialist Products
- Preparation of Quality Assurance System in accordance with ISO 9002
- Dedication to Safety Standards

*Providing innovative, efficient, civil construction services to Papua New Guinea*



National Roads and Infrastructures in PNG

# Government focused on linking all for greater opportunities

THE Government has remained in its focus to ensure all basic roads and infrastructures throughout the country are improved and maintained under its theme, 'accelerating implementation' this year.

During the PNG Business Council breakfast at Crown Plaza this year, Prime Minister Peter O'Neill announced his governments focus and commitment in delivering and improving basic services throughout the country which road and infrastructures has received a huge funding of K4.35 billion.

This funding will allow basic roads, bridges, wharves and jetties to be built in the communities and

districts that don't have access to any before while maintaining and upgrading existing ones that have deteriorated over the years.

The allocation is made available to the Provincial Support Improvement Program (PSIP), District Support Improvement Program (DSIP) and the Local Level Government Support Implementation Program (LLGSIP) to carryout in their respective communities and districts.

Over K2 billion has been allocated for roads this year and over k12.1 billion over the next five years under the O'Neil/Dion Government.

Some of the projects are NCD Roads over K100 mil-

lion, Central province received K30 million for road upgrading, Morobe was allocated K128 million for Lae roads upgrading from two to four lanes, East/West New Britain road link at K10 million, Southern Highlands to Gulf road link for Erave - Sembirigi to Kikori at K10 million, Jiwaka province a commitment of K300 million over three years, Jimi - Banz highway gets a total of K3 million for construction, upgrading and further maintenance. Highlands roads have spent over K214 million for the road upgrading.

"The focus is to open up the country for greater opportunities", said Mr O'Neill.



Country Manager of Global Construction, Mr Nelson Yano receiving contract documents from NCD Governor, Mr Powes Parkop.

## Madang roads to link up in 2017

RURAL roads in Madang province are now getting major boost in upgrading and construction of their road network after thirty years of neglect and run-down. These infrastructure developments will see major improvement in the economic benefits and other service delivery in the province.

The Open member for Madang and the Minister for Petroleum and Energy Nixon Duban is investing in roads development to boost the province economic growth and encourage rural development.

Mr Duban said he sees road infrastructure as an important link to better economic activities and improve health and education services for the people otherwise people will continue to suffer from basic services.

Currently the work has started on Mis-Kamba roads under the funding from Mr Duban's District Support Improvement Program (DSIP) which is nearing completion where he visited and appreciated the government funding to be well used on the project.

Once there is a better road, flow of goods and services will reach everyone and they will be happy, said Mr Duban.

He also presented a K1 million cheque for the South Ambenob local Level Government (LLG) in the Madang District for the Medo to Laga road which he officiated the ground breaking ceremony and urged the contractor to start the road project immediately.

People in that area walked for hours and miles

to reach the main road. Mothers have died from pregnancy and government workers have fled the area because of inefficient government services.

The ceremony broke the hearts of many as they danced and cried after 30 years of getting such vital government services into their community.

Mr Duban then asked the people to make this road usable by producing more cash crops to sell at Madang town and become self-reliant. He challenged them to form Corporative Societies and seek funds he has made available in the National Development Bank (NDB) rather than relying on government hand-outs.

He believed by 2017 all rural roads in Madang district will be completed.



## Lae city roads get major government funding

THE Government is committed to develop all its roads and major infrastructures in Lae City so that it continues to serve and operates as the industrial hub of the country.

Part of this development involves the upgrading of the city roads to accommodate the high traffic volume with four lane roads.

The government's focus is on the 58 km major road network that supports the growing business activity in the city.

The Department of Works has embarked on building

high standard roads through a four year program with a design standard that addresses the adverse local weather conditions and growing traffic demand issues in the city.

The Lae road rehabilitation faced a lot of problems due to the quality of work during stage 1 (2009 - 2010) being substandard and largely influenced by poor design and collapsed due to bad weather and the traffic conditions in the city.

These sections have now been upgraded again as part

of the stage 3 projects.

In stage 2 (2010-2012) the project included additional 19.95km at a total value of K70 million. These contracts were awarded on flawed technical and contractual standards.

These cause major problems in the implementation of those contracts resulting in substandard work output and cost overrun of K140 million.

The O'Neill/Dion government in light of these issues transferred the project management and financial responsibilities to the

Department of Works midway through the implementation phase in 2012. Department of Works has made a substantial turn around with great improvements in the delivery of 19.5km of standard concrete paved roads.

In Stage 3 (2013) projects included additional 26km roads upgrading comprising Air Corps, Kwila, Telikom, Busu, Boundary, Mongola, Malaita, Cassowary, Jawani Orion, Rigel, Igam and Milford Haven roads. These roads include the main cir-

cuit to the Unitech gate. A total of four contracts valued at K269 million were awarded and spread over a two-year period from 2014-2015.

All these projects are delivered on high design standards for concrete pavement with a 60 year design life and a 10 year maintenance warranty period on the pavement.

Stage 4 (2015-2016) projects will include the remaining 6 km section of Milford Haven and 16 km of the industrial centre and other ar-

terial roads. These roads will be tendered by the end of 2014 as they are still in the design stage.

Twenty six kilometres of high standard concrete pavement roads are under construction with a 60 - year design life and 10-year maintenance warranty.

All these contracts are progressing on schedule and budget.

Department of Works has made several interventions to ensure the delivery of high quality roads reflects the value for money.



# Ol mama long Madang i greduet long infomal bisnis

JAMES G. KILA i raitim

OL MAMA na ol meri insait long ol lokal level gavman long Madang distrik i bin stap insait long komyuniti bes organaisesen (CBO) trening na i bin kisim ol setifiket i no long taim i go pinis.

Wanpela seremoni i bin kamap long Bates Oval long Madang taun las mun we i lukim olgeta mama i bilas nais tru wantaim naispela kala na mas wantaim plak bilong ol long go kisim setifiket bilong ol long sanap strong long CBO long kamapim ol infomal bisnis wok.

Ol dispela mama long Madang distrik i bin sindaun long sampela kain trening we Membra bilong Madang na Minista bilong Petroleum na Eneji, Nixon Duban i bin sapotim wantaim mani helpim. Dispela ol trening i strongim ol mama long wok bilong kamapim gutpela menesmen long sait long lukautim



Ol meri long Madang eben i sanap wantaim plak bilong ol redi long kisim setifiket long CBO trening long infomal bisnis trening. Foto: James G. Kila

mani na tu ogenaisim ol yet insait long ol CBO na mekim ol wok long sapotim sindaun bilong ol long ples na haus lain.

Long dispela taim tu seremoni i lukim ol memba bilong wanpela bikpela koporetiv sosaiti long Madang, ol i kolim long Musunat Kopretiv i kisim setifiket bihain long ol i

kisim trening long rot bilong lukautim kakaruk na redim gut na salim. Dispela koporetiv tu i gat ol meri tu i stap olsem memba long en.

Minista Duban i wok long strongim wok bilong ol mama na i luksave long wok ol CBO i ken kamapim long strongim ol mama insait long ol LLG na wod

long Madang distrik.

Dispela seremoni long Madang i lukim ol mama bilong ol CBO i kam long ol LLG long Madang taun, Not Ambenob, Saut Ambenob na Trens-Gogol.

Ol dispela mama i kamap wantaim kain kain kala klos na ples i sain na luk nais tru long Madang taun.

## Asples meri glasim graun bilong Kurumbukari

JAMES G. KILA i raitim

WANPELA asples meri Ramu i brukim rekot stret olsem namba wan asples meri long wok long glasim graun long Kurumbukari Main bilong Ramu NiCo (MCC) long Madang provins.

Pamela Quiningi, em i gat 29 krismas na em bilong Annaberg long Midel Ramu distrik long Madang Provins.

Pamela em wanpela greduet kemis na em bikpela savemeri husat i save wok long laboretri bilong Ramu NiCo (MCC) na wok bilong em long glasim ol graun ol jiolojis o saveman bilong graun i kisim na skelim sapos graun i gat mak bilong nikel o kobalt long en.

Em i namba wan asples meri Ramu long wok long laboretri bilong Ramu NiCo (MCC) KBK Main laboretri antap long Kurumbukari maunten long Usino-Bundi.

Pamela i pinisim gret 12 long Malala Katolik Sekenderi Skul long Bogia distrik. Bihain em i go long Yunivesiti ov Teknoloji long Lae, we em i stadi long aplaid kemistri na i greduet long Epril 2013 wantaim digri long Saiens long aplaid kemistri.

Pamela i statim wok wantaim Laboretri Dipatmen bilong Ramu NiCo KBK Main olsem greduet kemis long Jun 5, 2013.



Pamela i glasim ol kemikel long wok bilong em. Ol foto: James G. Kila

Naispela stori bilong dispela meri Ramu em olsem oltaim taim em i save malolo long wok, stail meri ya i save kisim moto kanu long Banu klostu long KBK na bihainim Ramu Wara i go daun long ples bilong em long Annaberg. Dispela ran bilong moto kanu i save kisim samting olsem 8 i go 10-pela aua olgeta.

Pamela i amamas long ran long moto kanu bikos em i save lukim ol naispela bus, diwai na gutpela nois na singsing bilong ol pisin na binatang.

Taim Pamela i no wok, em i save amamas long pilai basketbal, raun lukim

ol ples na harim musik.

Wok bilong em long leb i save karamapim ol eria we em i save glasim na skelim ol kain kain esid na ol egens we i save go wantaim stadi bilong graun na wanem mak stret em graun i gat

Olgeta de wok bilong Pamela i save mekim wok bilong stadi na lukim long ol samting we i stap insait long graun, na graun malumalu ol i kolim slari na tu glasim ol kromait stok bihain long wok dril i kamap long graun.

Planti ol wok bilong dispela meri Ramu long KBK Laboretri em teknikel

kemistri wok na em i save yusim ol kain kain marasin long glasim graun na luksave long mak bilong ol samting long tokaut stret sapos graun i gat mineral o nogat.

Sampela taim wok bilong Pamela em long supavais o lukluk long ol wok bilong redim ol sempol long laboretri wantaim ol lab teknisen.

Pamela i tok em i amamas long wok bilong em wantaim Ramu NiCo bikos em wanpela multi-nesenel kampani we i gat ol waitman na tu ol Saina lain i wok wantaim.

Narapela samting tu em i gat sampela salens tu i stap bikos i gat planti ol man i wok, na liklik lain meri i wok. Tasol em i amamas long wok bilong em.

Pamela i tok olsem long ol yia bihain, em i laik lukim ol asples pipel bilong Ramu i sanap strong ol yet long kamapim ol developmen we i ken bringim gutpela sindaun long wok bilong ol.

"Mipela ol asples pipel i mas go long kamapim developmen long graun bilong yumi," Pamela i tok.

"Yumi mas sanap strong long givim gutpela skul toktok na tingting long ol yangpela bilong yumi long kamap gutpela lida insait long projek na bringim ol gutpela developmen i kam insait long ples bilong yumi," Pamela i tok.



## Yut, Meri na Femili

Pastor Barbara Lunge

### Bikmaus na singim preis na lotu long God

PASIN bilong lotu na singim preis long Bikpela em i wanpela samting bilong pait we birua i no save laikim.

Birua satan i save olsem taim yumi save singim song i go long Bikpela, dispela i save rausim pasin bilong pret long laip bilong yumi, we em i save yusim long kalabusim yumi. Em i save tu olsem Bikpela na olgeta santu na ensel long heven i sanap long sait bilong helpim yumi.

2 Stori 20:21-22 i tok, (21) "Na tu king i askim ol manmeri long tingting bilong ol, na bihain em i makim sampela man long wokabaut i go paslain long ol soldia na singim ol song olsem, 'Pasin bilong Bikpela i gutpela tumas na i stretpela olgeta, na dispela pasin i olsem olgeta bilas bilong em. Yumi mas tingim dispela na litimapim biknem bilong em. Yumi mas tenkyu long Bikpela, long wanem, oltaim em i save laikim yumi tumas.'" (22) ".....ol man bilong singim song i stat singsing long litimapim nem bilong Bikpela."

1 Samuel 4:5-7 i tok, (5) "Ol i kamap long kem na ol Israel i lukim Bokis Kontrak na ol i amamas na singaut strong moa, na bikpela nois tru i kamap." (6) "Ol Filistia i harim ol Israel i singaut olsem, na ol i tok, 'Harim dispela singaut long kem bilong ol Hibri. Bilong wanem na ol i singaut no gut olsem...?' (7) na ol i pret..."

Josua 6:4-5 i tok, (4) "Sevenpela pris i mas wokabaut i go pas long Bokis Kontrak na ol i mas karim ol biugel ol man i wokim long kom bilong sipsip man. Na long de namba 7 yu wantaim ol soldia i mas wokabaut raunim taun 7-pela taim olgeta. Na bihain ol pris i mas pulim krai bilong biugel i go longpela, na yupela olgeta i mas singaut bikpela moa. Na banis bilong dispela taun bai i bruk. Na olgeta man i mas i go insait tru long taun."

Pasin bilong bikmaus i save bringim pret long lewa bilong birua. Taim devel i harim dispela kain nois, em i save olsem em i taim bilong bagarapim wok bilong em nau. Taim yumi singsing graun bai seksek na dispela bai brukim ol banis na strong bilong em long pait long yumi.

Yumi ritim tu long Jas 7:15-23, long stori bilong ami bilong Gideon i winim ol trampet na bikmaus, "Bainat bilong Bikpela na bilong Gideon." Ol birua ami i pret na paul nabaut, na ol i kisim bagarap.

Birua i save pret na guria taim em i harim ol pikinini bilong Papa i mekim lotu, singim song bilong litimapim nem bilong Bikpela. Ol dispela singaut i save mekim devel na ami bilong em i pret.

Welim bilong Holi Spirit em i wanpela hait samting bilong pait long spirit. Planti bilong yumi i no save klia gut long welim bilong holi spirit em i save mekim wanem samting.

Aisaia 10:27 i tok, "Nau ol Asiria i wok long daunim yupela na bosim yupela olsem man i putim plang long nek bilong bulmakau na i hariapim bulmakau long mekim wok. Na ol Asiria i sindaun gut. Na dispela pasin bilong ol i mekim mi i belhat. Olsem na long dispela taim mi makim pinis, bai mi pinisim strong bilong ol Asiria na bai ol i no moa givim hevi long yupela gen."

Ol toktok "dispela taim" insait long dispela ves bilong baibel, Bikpela i toktok long de bai Jisas i dai, Kirap bek, na long em i sindaun long hansut bilong Papa bilong en. Taim i kamap nau (em tude) taim Bikpela Jisas i brukim pawa bilong devel.

'Plang long nek' em ol wanem kain hevi we birua i save pasim yu wantaim o putim antap long yu. Yu ken tok long sik, bagarap long bodi, strongpela pasin no gut, pasin bilong laikim ol samting i no gutpela long bodi, pasin bilong pret, pasin bilong stap rabisman, na planti narapela samting we i no kam long Bikpela.

Welim bilong Holi Spirit i save brukim ol sen bilong kalabus na bagarapim olgeta. Welim insait long yu na long laip yu wokabout long en i save bagarapim ol dispela rop kalabus bilong yu long taim yu helpim ol narapela.

Welim bilong Holi Spirit long laip bilong yu em i bilong helpim ol narapela pipel. Long Matyu 10:8, "...Samting yupela i bin kisim, em yupela i kisim nating, na i no gat pe bilong en. Olsem na yupela i mas givim nating long ol manmeri. Yupela i no ken kisim pe long en."

Yu bai i no inap long givim hariap bikos taim yu yusim, welim i save go bikpela na i ran olsem wara.

Sapos yu laik toktok moa o yu nidim prea, yu ken rait long: Evangelis, Barbara Lunge, ROGIM, P.O. Box 3063. Boroko. NCD. PNG, o ring long 70995378 o salim email long: lungeb37@gmail.com.



# UoG openim midwaifri bilding

Sape Metta i raitim

OL helt senta insait long Papua Niugini i ken lukim namba bilong ol midwaifri woka o ol lain husat i save lukautim ol mama long taim bilong karim i go antap, long wanem, 'Dipatmen bilong Foren Afeas na Tred (DFAT) aninit long AusAID i sapot progrem i opim na presenim i go long Yunivesiti ov Goroka (UoG) Midwaifri trening senta.

Long wankain taim tu, ol presentim 4-pela haus slip bilong ol wokman na meri husat bai trenim ol midwaifri sumatin long dispela bilding

Deputi Seketeri bilong DFAT bilong Australia, Ewin McDonald husat i bin kamap na i go pas long openim trening senta i tok, bilding na ol opois em i kostim gavman bilong Australia K7.5milien.

Em i tok gavman bilong Australia i luksave long bikipela namba bilong ol mama na ol pikinini i save laik karim tasol bikipela hevi em ol mama i save bungim em, planti long ol wan-



**OPIM NUPELA MAMA KARIM BILDING:** DFAT Deputi Seketeri, Ewin McDonald, i lonsim nupela Midwaifri trening bilding long Goroka, Isten Hailans. *Poto: Sape Metta*

tain ol pikinini we mama I no karim yet i save dai insait long bel.

Olsem na gavman bilong Australia i kirapim dispela bilding na ol narapela samting bilong helpim long wok bilong ol dokta na nes, na givim i go long

UoG we em bai yusim long trenim ol midwaifri sumatin husat i ken wok strong na helpim ol mama na ol pikinini long taim bilong karim.

Mista McDonald i tok bikipela tingting bilong DFAT na gav-

man bilong Australia em long wok patna na wok bung wantaim ol institusen olsem UoG na Goroka Provinsal Haus sik long sevim laip bilong planti ol mama na ol pikinini long taim bilong karim.

*Ol stori na poto long CTI Holi Spirit Seminari, Bomana dikon odinesen wantaim Veronica Hatutasi*

## Tripela yangpela man i kamap dikon

SAMTING olsem 400 Katolik bilipmanmeri i bin bung long Katolik Tiolojikel Institut (CTI) Seminari Kolis long las wik Sarere long selebretim bikipela de bilong tripela yangpela man husat i mekim promis long go insait long rilijes laip.

Sios long CTI Holi Spiriti semineri i bin lukim ol pater, ol rilijes, hai komisina bilong Fiji, ol famili, hauslain, ol pren, wanskul na wantok i stap long Misa na bihain long pilai graun klostu long Marist Kolis, bikipela bung kaikai, ol toktok na ol entateimen i bin kamap.

Selebresen i bilong dikon odinesen bilong tupela yangpela Marist dikon em George Baruka SM bilong Pokpok Ailan long Bogenvil, Ambrose Kakatai SM bilong Buin long Bogenvil, na Benjamin Bosili em wanpela SVD na em i bilong Wewak, Is Sepik Provins.

Het tok bilong dispela misa lotu dikon selebresen em, "Husat i laik sevim mi i mas bihainim mi."

Long tokskul bilong em long taim bilong lotu we i bihainim Baibel rit long God i singautim Samuel, Asbisop Ribat i bin tok tripela yangpela man i bin lusim olgeta samting long 6-pela yia long bihainim singaut bilong Bikman long kamap pater, na ol i mas gat komitmen na i redi long mekim dispela wok.

"Yupela i lusim olgeta samting na wokim disisen long bekim singaut long kamap pater. Dispela i bikipela samting we i laikim bikipela komitmen long laip bilong bihainim singaut bilong Bikipela ol samting em i laikim yupela long mekim.

"Yupela i mas redi na stap long mekim wok misin bilong em," Asbisop Ribat i tok.

Em i tok wanem ansa bilong

tripela dikon long singaut bilong Bikipela long yangpela Samuel tripela taim, long taim em i stap aninit long lukaut bilong Profet Eli?

"Wanem ansa bilong yupela long singaut long go olsem wanem long laip? Sampela i bihainim rilijes laip, sampela famili na ol narapela. Yupela i mas redi long bihainim singaut bilong em. Mipela i redi tasol long sapatim yupela wantaim prea na ol arapela moa.

"Dispela i stat long narapela level long laip bilong yupela i kamap pater. Em samting yupela i laikim?" "Em i no isi, tasol yupela i mas mekim gutpela disisen na askim God long helpim yupela long laip na wok yupela i laik bihainim," Asbisop Ribat i tok.

Haus lotu antap long liklik hii long Bomana semineri i bin pairap gut tru wantaim ol naispela singsing na liteji we ol lain semineri i go pas long en, na ol wan wan grup i kam long ol peris long siti i bin go pas long en.

Tripela dikon i bin mekim ol tok promis long karimaut gut ol wok long ol pipel bilong ol aninit long sios na kongrigesen bilong ol.

Bihain long sios selebresen, olgeta lain i bin bung long bikipela oval o pilai graun klostu long Marist Kolis long bung kaikai na program we i bin gat ol toktok long ol bikman na ol program long singsing tumbuna na danis we ol famili, hauslain, pren na wantok i bin kamapim long amamasim seremoni long dispela de.

**PINISIM MISA LOTU:** Tripela nupela dikon, Ambrose, Asbisop John Ribat, Benjamin na George i wokim las prea long pinisim lotu.



**MEKIM PROMIS:** Tripela nupela dikon, George, Ambrose na Benjamin i mekim tok promis long wok rilijes long dikon odinesen long Bomana long las wik Sarere.



**MISA LOTU TAIM:** Hai Komisina bilong Fiji (em namba 5 long lefhan i go long raitan), ol pater na kongrigesen long taim bilong Misa lotu.



### STORI TASOL

wantaim Fr Paul Liwun

## Funeral bilong tisa

Long Fonde, 14 Julai 2014, mi bin joinim Pater Victor D'sa SVD, long wokim wanpela Funeral Misa bilong wanpela tisa, Theresa Wanap Vakinap. Dispela Misa i bin kamap long St. Peter Chanel Katolik Sios long Erima.

Theresa Wanap Vakinap em i wanpela tisa i bin tis longpela taim tru long St. Peter Chanel Skul long Erima.

Olsem na planti sumatin, wanwok bilong em wantaim femili na pren i bin pulamapim haus lotu long prea na singsing long taim bilong Misa.

Long taim bilong skul bilong em, Pater Victor i bin stori long wanpela tisa em i bungim em insait long balus. Sampela yia i go pinis, Pater Victor i kalap long Airlines PNG lusim Wewak na go long Pot Mosbi.

Taim balus i flai antap pinis, Pater Victor i introdusim em yet long man i sindaun klostu long em. Em i tok, "Mi, Pater Victor SVD. Mi bilong India. Mi kam long PNG longpela taim pinis. Mi bin wok long planti ples. Nau mi tisa long Bomana Seminari, bilong redim ol yangpela man i laik kamap Pater."

Bihain long harim stori bilong em, man i sindaun wantaim Pater Victor tu i introdusim em yet long Pater Victor. "Mi wanpela ritaia tisa. Mi bin wokim wok tisa long 40 krismas olgeta. Long dispela 40 krismas, mi save tis long bus ples.

Planti tisa i save les go tis long bus ples. Mi bin bungim planti sumatin bilong mi. Mi no luksave long ol. Ol yet i luksave long mi na tokim mi olsem mi bin skulim ol.

Long wanpela de mi bin go long Pot Mosbi. Taim ol i tok save long pasindia i kalap long balus, mi hariap i go long dua bilong go long balus.

Tasol, mi bin kirap nogut tru, taim ol sekyuriti na eahostes i tokim mi long wet. Larim narapela pasindia i go pas. Yu bai las. Mi belhat na krosim ol, bikos mi i gat tiket na namba bilong sia i stap long boding pas bilong mi.

Taim olgeta i kalap pinis, nau ol i larim mi go insait long balus. Taim mi laik painim sia bilong mi, wanpela eahostes i tokim mi, long go insait long ples bilong pailot.

Tasol mi tok, mi i gat namba bilong sia bilong mi. Ol i tok, nogat. Bihainim tok bilong mipela.

Olsem na ol i opim dua na mi go insait long ples bilong pailot. Na pailot i tokim mi long sindaun long sia klostu long em.

Mitupela i stat long toktok. Pailot i tok, "Ating yu belhat tru taim sekyuriti i tokim yu long wet taim yu laik kalap long balus a? Mi tasol i tokim ol, long larim yu mas kamap las.

Bilong wanem yu sindaun long hia? Tisa i bekim, "Bikos sia i pulap." Tasol em i tok, "Nogat. Bikos tude em i wanpela spesel de bilong mi. Bikos mi bungim yu."

Tisa i tingting planti. Bihain pailot i askim em gen, "Yu save long mi o nogat?" Tisa i tok, "Sori, mi no save long yu." Pailot i lap na tok, "Em i orait, tasol mi save long yu. Yu tisa bilong mi. Yu bin skulim mi taim mi stap long gret tri. Yu bin tisa long skul bilong mipela long bus ples tru.

Yu skulim mipela long skai, win, klaut, balus na olsem wanem balus bai flai antap long skai o namel long klaut. Wanem samting mi lainim long yu, nau mi laik soim yu.

"Tude, mi laik tok tenkyu long yu skulim mi. Hatwok bilong yu i no popaia nating. Em i karim bikipela kaikai long laip bilong mi."





# KOMENTRI


# PNG bai gat nem nau long Guinness World Records

Papua Niugini i mas wanpela demokretik kantri tasol long wol we ol memba i no laik stap long Oposisen. Olgeta memba bilong Palamen i laik stap long gavman tasol. Long dispela wik, yumi harim olsem nau i gat tripela memba bilong Oposisen tasol i stap bikos ol arapela i ranawe i go stap wantaim gavman. Ating PNG bai i gat nem nau long Guinness World Records olsem wanpela demokretik kantri we i gat tripela Oposisen memba tasol. Em i gutpela o nogat?

Palamen bai bung gen long 26 Ogas long paitim toktok na harim ol wari bilong ol ilektoret. Sia bilong ol Oposisen bai i emti na long sait bilong gavman bai i no gat spes bikos ol memba i pulapim tru.

Sapos i gat gutpela gavman i mekim stretpela wok i bihainim ol lo bilong kantri na Kristen pasin, bai yumi ol pipel i no inap long tubel long wok bilong en. Tasol sapos i gat planti hevi i stap na i gat hevi bilong lo na i no gat gutpela na stretpela pasin bilong wok, ating bai ol pipel i tingting planti long taim i no gat Oposisen i stap long askim ol kwesten long Palamen. Ol pipel bilong PNG husat i gat tingting long gutpela sindaun bilong kantri long bihaintaim bai i tingting planti long kain palamenter i demokresi bilong yumi tude. Dispela wansait sistem PNG i gat nau em i mak tru bilong wanpela gutpela demokretik kantri o nogat? Dispela bikpela askim i stap nau na ol pipel i mas skelim na autim tingting bilong ol.

Long taim sampela memba bilong Oposisen i kalap i go long



gavman, ol i bin tok olsem ol i no laikim stail bilong lida bilong Oposisen. Sampela i tok ol i no kisim mani bilong ilektoret olsem na ol i kalap i go stap wantaim gavman

bai ol i ken kisim dispela mani bilong ilektoret na kamapim wok na helpim ol pipel. Sapos i tru olsem gavman i no givim mani bilong ol oposisen memba hariap, orait i

ol Politikal Pati, o ol Kot o ol NGO o husat tru? Sapos ol pipel bilong Papua Niugini i wari long sindaun bilong kantri long 20 o 50 yia bihain, orait nau em i taim bilong

askim ol dispela kwesten na stretpela wok. Painimaut sapos dispela toktok i tru o nogat. Sapos i tru, orait kisim i go stret long kot na askim kot long skelim. I gat Ombudsmen Komisn i stap - ol inap long mekim dispela wok bilong skelim komplem bilong ol memba o nogat?

Korapsen i no karamapim pasin bilong paulim mani tasol, nogat. Korapsen i karamapim tu pasin bilong bagarapim gutpela sistem bilong gavman inap yumi kamap long sistem we i no gat moa trupela demokretik sistem i stap. Na em i wok bilong husat tru long putim was na stopim dispela bagarap i kamap na daunim gutpela sistem bilong gavman? Em i wok bilong Ombudsmen Komisn, o Opis bilong Lukautim

askim ol dispela kwesten na stretpela wok. Painimaut sapos dispela toktok i tru o nogat. Sapos i tru, orait kisim i go stret long kot na askim kot long skelim. I gat Ombudsmen Komisn i stap - ol inap long mekim dispela wok bilong skelim komplem bilong ol memba o nogat?

Korapsen i no karamapim pasin bilong paulim mani tasol, nogat. Korapsen i karamapim tu pasin bilong bagarapim gutpela sistem bilong gavman inap yumi kamap long sistem we i no gat moa trupela demokretik sistem i stap. Na em i wok bilong husat tru long putim was na stopim dispela bagarap i kamap na daunim gutpela sistem bilong gavman? Em i wok bilong Ombudsmen Komisn, o Opis bilong Lukautim

Long taim palamen i bung long Ogas 26, em i de gavman i makim olsem Repentens De, o de bilong sori long ol asua bilong yumi na askim Bikpela long givim strong long yumi long stap gut wantaim ol arapela manmeri. Yumi pre bai gutpela na stretpela tingting i kamap long bel bilong ol lida bilong yumi na ol tu i ken mekim wok bilong trupela lida long kantri bilong yumi. Putim kantri na pipel i go pas na daunim pasin bilong paitim bros na mi pasin.

**Long neks mun Septemba, bai yumi amamasim 39 yia bilong independens. Na long dispela taim tu i gat wok i kamap long givim ripot i go long palamen long strongim wok bilong ol politikal pati bilong kantri na kamapim gutpela gavman.**

## Politikel Pati sistem i slek olgeta

OPOSISEN Lida na memba bilong Vanimo Grin, Belden Namah nau i sanap em yet olsem wan man Oposisen lida bikos moa long 10-pela memba bilong em i lusim em pinis na i go joinim Gavman bilong Peter O'Neill. Em tasol i stap wantaim memba bilong Rabaul, Dokta Allan Marat.

Dispela em i wanpela sore piksa tru yumi ken lukim long wanem as tru na ol lain lusim pati we i bin sanapim ol na winim 2012 nesanel ileksen, na go long palamen. Pati bilong Belden Namah em PNG Pati na dispela pati bin ran strong tru long taim bilong nesanel ileksen olsem na moa long 10-pela lain bin winim ileksen na go kamap memba long nesanel palamen. Bikos ol bin no gat inap namba, orait ol kamapim Oposisen na Peter O'Neill i kamapim gavman.

Nau yumi lukim dispela sore piksa olsem olgeta lain ya i go pinis na lusim Mista Namah i stap em yet. Dispela em i wanpela piksa nogut tru long histori bilong Papua Niugini.

Oposisen em i bikpela opis na em i mas sanap strong



long holim strong kantri long ol kainkain giaman na hait pasin bai gavman mekim o arapela kantri bai mekim long kantri bilong yumi.

Em i soim tu olsem lo bilong kantri long strongim politikel pati na politikel sistem bilong yumi em i no gat strong bilong em. Maski ol lo man i bin mekim sampela lo pinis long bipo, bikpela hul i stap yet olsem na ol memba i subim nus i go insait long hul na kalap i go aut pinis.

Em piksa yumi lukim olsem lo bilong politikel pati i no gat wanpela kaikai long en bikos em no inap stopim o sasim wanpela man o memba husat i bruk lusim pati em i bin rejista na winim ileksen long en.

Wanem as na ol 10-pela memba i lusim PNG Pati?. Em i mas gat hul stap long sistem bilong politikel pati na sistem olsem na ol biklain ya wel nating i go insait na tekov

pinis. Ol i save olsem ol no inap go kalabus o kisim wanpela sas long dispela.

Dispela wik yumi harim tu olsem namba tu strongpela man bilong Belden Namah na memba bilong Bulolo, Sam Basil tu i bin lusim PNG Pati na go joinim Pangu Pati. Yumi save olsem Pangu Patii stap long gavman bilong Peter O'Neill olsem na Mista Basil bai sanap olsem gavman memba nau em i lusim Belden Namah.

Belden Namah i tok em i save olsem bikos em i man bilong pait egensim ol pasin na toktok bilong korapsen insait long kantri, wanpela taim bai olgeta lain bilong em bai lusim em go, na em bai stap wanpis. Tok bilong em kamap tru long dispela wik ya.

Long PNG, yumi save sem na pret long ol man i kam tromoi bikpela mani long helpim yumi long haus kra i o sampela hevi bilong yumi. Tasol taim yumi save orait, yumi save bekim bek dispela helpim bilong em.

Em Belden Namah i bin mekim bikpela helpim tru long olgeta 10-pela memba

ya long 2012 nesanel ileksen we em i tok em i tromoi mak olsem K50 milien long ileksen bilong olgeta lain na ol bin winim ileksen. Dinau i stap ya.

Tasol Mista Namah i tok wanpela hevi tu em Gavman bilong Peter O'Neill i lokim pas distrik mani bilong planti Oposisen memba we i mekim ol i mas go joinim gavman long kisim ol dispela distrik mani bilong pipel bilong ol.

Em i sutim tok long Mista O'Neill long pilaim dispela pasin long bagarapim na brukim Oposisen long pasim mani bilong ol memba. Sore, politiks bilong PNG em i wanpela no gut samting stret. Yu sapatim gavman bai yu kisim kaikai. Yu Oposisen na egenisim gavman, bai yu hangre stap na sotwin gut tru.

Dispela kain pasin em ol i save bekim taim ol kisim pawa olsem na ol saveman bilong lo insait long kantri i mas taitim lo na sistem nau bilong politiks insait long kantri. No gut bekim bekim bai go yet long 2017 na bihain taim.



Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pe bilong wanpela yia

Websait: www.wantokniuspepa.com

Pe bilong wanpela yia, 52 niuspepa

PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager Elizabeth Konga

Editor Veronica Hatutasi

Published at Able Building Complex, Sec 58 Lot 02, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest or its absolute discretion. The publisher's general terms acceptance are available at Word Publishing Company Ltd and are set out full on the display advertising form.



**SYRIA**

**Katim het bilong Amerika jenolis**

Video i soim ol Islamik teroris grup (IS) i katim het bilong Amerika Jenolis, James Foley long soim kros bilong ol wantaim Amerika. Dispela video i kamap long Onlain internet we planti i bilip em video bilong James Foley, frilens Amerika jenolis husat i bin lus long taim ol i kidnapim em long yia 2012.

Taitol bilong video, "Messege to America" i soim man i nil-daun long skru bilong em wantaim orens-pela kros, na klostu long em i wanpela militen wantaim blakpela kros i karamapim pes.



Hia poto bilong James Foley long Syria long yia 2012.

*Ol poto na stori i kam long ABC News*

**MISSOURI AMERIKA**

**Polis sutim man i holim naip**

Polis long Missouri, Amerika i sutim dai wanpela man husat i holim naip na singaut long polis long kilim em.

Dispela i kamapim moa birua long pastaim dai bilong wanpela yangpela mangi long dispela seim hap gen. Polis i tok, ol kamap long hevi gan faia na arestim moa long 30 man-meri taim blak komyuniti kamapim bikpela protest long pastaim dai long St Louis Sabe long Fergesen. Nupela dai kamap klostu tasol we Michael Brown i bin dai taim polis i sutim em las wik.

St Louis Polis Sif, Sam Dotson i tok long Tweet, ol opisa i bin kisim wanpela singaut na painim wanpela man i holim naip na singaut long polis long kilim em.



**AJENTINA**

**Tripela kandere bilong Pop kisim bagarap long eksiden**

Tripela kandere bilong Pop Francis i dai taim ol i sutim nus bilong kar bilong ol long baksait bilong wanpela dam trak. Dispela tripela kandere, wantaim tupela yangpela pikinini i dai stret taim ol i bam long trak long Ajentina.

Kandere bilong Pop, Emanuel Horacio Bergoglio husat i draiva bilong kar i kisim bikpela bagarap bihain long eksiden, ol opisal i tok.

Ol pikinini bilong em, wanpela i eit mun bebi tasol na narapela em i 2pela krismas tasol i dai wantaim mama bilong ol long dispela bikpela asua. Mausman bilong Vatiken, Federico Lombardi i tok, Pop i bin kisim pinis dispela toksave na em i kisim bikpela pen tru.



**PAPUA NIUGINI**

**Polis holim ol man long dai bilong Asailam Sika long Manus**



POLIS long Papua Niugini i holim pas na sasim tupela man na nau ol i wok long painim narapela tripela moa pipel long ol i kilim wanpela man bilong Iran Asailam sika, Reza Barti long Manus Ailan.

Mista Barati, i gat 23 krismas tasol na em i dai wantaim bikpela bagarap em i kisim long het bilong em insait long wanpela raiot long rijonal prosesing senta long Manus Ailan dispela yia.

PNG polis i arestim Joshua Kaluvia long Mandel dispela wik long wanpela hap bilong Wes Nu Briten Provins. Ol i luksave olsem em i wanpela wokman bilong Salvesen Ami pastaim.

Narapela man, Louie Efi, pastaim G4S sekyuriti gat, kampani we i save lukautim banis bilong ol Asailam sika, em ol polis i holim em tu long Manus Ailan yet.

Tupela wantaim i kisim sas bilong kilim dai man. PNG Deputi komisina bilong operesen, Jim Andrews i tok polis i wok long painim yet wanpela moa man bilong Papua Niugini na narapela tupela bilong narapela kantri.

**ISRAEL**

**Belisi tok i popaia long Israel na planti moa i kisim bagarap**

PLANTI tausen lain bilong Palastain nau i ranawe lusim ol haus bilong ol long Is Gaza Siti, bihain long ol Israel i sutim ol roket masin gan antap long ples bilong ol, bihain long Hamas grup i tromoi ol roket bom antap long Israel. Ol helt opisa bilong Palestan i tok, tripela pipel, wanpela mama na wanpela 2 yia pikinini meri i bin dai long Gaza taim toktok bilong stopim pait i no go het, na Israel i givim oda long ol lain bilong ol i go toktok long bringim bel isi long lusim lgip na go bek long ples.

Israel i tok ol Palastain roket i sut na bagarapim hap saut bilong Israel, 8-pela aua pastaim long wanpela 24-aua stopim pait— ol narapela toktok bilong stopim pait em klostu bai taim bilong ol i pinis.

Hamas i tok em i bin tromoi wanpela roket bom long Tel Aviv Ben Gurion ples balus na ol lain long Senral Israel i ken harim sairin bilong ol.



**AUSTRALIA**

**Ami i helpim Polis long sekim haus long Brisben**

AMI bilong Australia i wok long helpim polis long painim ol samting i ken bagarapim bodi bilong man, insait long wanpela haus long Westen Brisben, long wok painimaut bilong luksave na kamautim ol samting bilong brukim na bagarapim ples olsem dainamait o bom.

Moa long 12-pela soldia wantaim ol dok i bin go kamap long Pallenvale propeti bihain long singaut bilong polis long helpim.

Ol soldia i kisim tok save long go insait long ol bus baksait long haus wantaim ol metal ditekta long painim ol dispela strongpela samting bilong brukim ples.

Ol polis i bin painim ol botol i gat mak bilong

klorofom, na sampela ol marasin bilong klinim haus na ol hap hap bilong komputa long haus.

Stat long las wik Fonde, ol sekyuriti i wok long was long haus ya taim Ril estet ejen i bin kirap nogut long lukim ol dispela eksplosiv long taim em i sekim dispela graun bilong rentim i stap nating.

Ol polis i bin lukim tu sampela narapela evidens olsem mep wantaim mak bilong planti ol bisnis ples long Sydney na Newcastle.

Ol polis bilong stopim teroris lain i no go insait long dispela wok painimaut, tasol ol polis i tok ol i wok long mekim wok painimaut we i luk olsem bai ol i kamapim pasin hait bilong wanpela grup bilong ol raskol.





# Kanu na Kundu festival save stail long wara lili bilong Balimo

Nicky Bernard i raitim

**N**AMBA Wan taim bilong mi long go long dispela kanu na kundu festival bilong ol pipel long Midel Flai Distrik long Westen Provins.

Dispela festival amamas save kamap olgeta yia na pulim olgeta ples lain bilong 5-pela LLG insait long Midel Flai Distrik long kam bung long liklik taun long Balimo na stap insait long dispela festival.

Namba wan taim bilong mi tu long go long Balimo taun, taim memba bilong Midel Flai Roy Biyama askim mipela nius lain long go, mi amamas long wanem dispela bai namba wan taim bilong mi long lukim Balimo taun na bikpela kanu resis bilong ol.

Mipela lusim Mosbi long Trinde na go olsem long Daru, long wanem ples balus long Balimo taun i pas bikos ol i stretim sampela wok long en. Mi na ol wanwok nius lain lusim Daru long Fonde na

saman bilong dispela kanu na em longpela tru na 80 i go long 90-pela man i stap insait long dispela kanu na ol sanap tasol na pul.

Long tingting bilong mi, mi ting bai kanu kapsait sapos wanpela man i no balensim bai olgeta waswas long dispela wara. Tasol tingting bilong mi i no kamap tru. Ol yet i save long balensim kanu bilong ol na ol save long wanem taim bai ol putim pul bilong ol go daun long wara na taim long apim pul bilong ol.

Mi tingim nau kamera mi holim na mi stat long kisim piksa bilong ol taim ol i pul, na pul bilong ol dispela kanu i bihainim kala bilong kanu bilong ol.

Kala bilong kanu na disain i soim wan wan klen na ples ol manmeri kam long en, ol meri na mama ol klen na ples lain bilong Midel Flai save putim ol go pas na ol save gat bikpela rispek long ol mama na meri bilong ol. Long wanem ol save long hatwok bilong mama na ol



Pinis Lain: Taim resis pinis ol save singsing na paitim kanu.

lukim memba bilong ol Roy Biyama i lonsim nupela sip bilong ol we memba na ol gavman bilong em kisim long helpim ol pipel long ilektoret bilong em.

Mista Biyama tu em wanpela memba husat i save strongim kalsa bilong ilektoret bilong stap strong. Em i bin kisim sampela klen bilong em i kam daun long Mosbi long wokim bikpela haus bilong ilektoret bilong em long Melanesa Arts na Kalsa Festival long mun Jun. Dispela haus long ples bilong ol i ken kisim 500 manmeri na pikinini long slip insait.

Mi yet long raun bilong mi long dispela kanu na kundu festival long Midel Flai i lukim olsem Mista Biyama save laikim tru long holim kalsa bilong ol mas stap strong. Olsem na olgeta yia em i save putim dispela festival long holim kalsa na ol pipel bilong em i no ken lus ting long pasin tumbuna bilong ol bilong bipo.

Long 2015 ating dispela festival bai bikpela tru long wanem, ples balus bai op gen, wara bai solap gen na ol wara lili plawa bai sain long welkamim ol kanu long dispela taim. Dispela bai lukim liklik taun Balimo i bai kisim moa binis long ol turis.



Mama ya i pul long liklik kanu bilong go painim pis, long baksait bilong em drai graun we ol wara lili save gro long en tasol nau wara i drai na no gat moa wara lili.



Bilas bilong het i em bikpela samting long wan wan klen.

kalap long wanpela liklik balus bilong Tropicair na go long wanpela liklik ples, bihain kalap long moto bot na ran long wara kam daun long narapela liklik ples we dispela festival i kamap.

Kanu na Kundu festival i save kamap long Balimo taun, tasol dispela yia festival i kamap long liklik ples Kewa long wanem wara long Balimo i drai, na tu, wara level i pundaun olgeta.

Mi save harim stori bilong dispela longpela woa kanu bilong ol, na mi no lukim liklik long ai bilong mi na wei ol save pul na hamas man save kalap insait na pul.

Taim mipela ran long moto bot go daun, memba Biyama wetim mipela na tok save long ol ples lain long kisim dispela bikpela na longpela kanu go daun long wara na pul kam antap long welkamim mipela na kisim mipela go daun long ples bilong amamas.

Mi ai op olgeta na lus ting long kisim piksa long 5-pela minit, long wanem mi wok long kaunim ol man i stap insait long kanu na pul. Mi paul liklik long wanem i no gat

meri.

Kala bilong kanu save kam long tupela kala tasol, yelo o wait na repela kala, dispela i soim tupela bikpela klen bilong Midel Flai Distrik. Taim ol kanu resis ol mama na meri save putim was tasol long kala bilong ol kanu. Sapos ol lukim kala bilong kam pas ol bai go sanap long sait bilong wara na danis long kisim kanu bilong ol i kam insait. Narapela samting tu em bilas bilong fran bilong kanu, dispela bilas ol save rispektim stret, taim resis i pinis ol i save kisim na singsing na karim go long haus man na lusim bilong narapela resis gen.

Dispela festival, ol pipel bilong Midel Flai save gat bikpela rispek na save mekim gut tru, maski ol liklik sevis na pasin bilong nau i go long ples bilong ol tasol taim i kam long kalsa olgeta manmeri long Midel Flai save long kalsa bilong ol, stat long liklik pikinini go long ol lapun save i stap insait long dispela festival long amamasim kalsa bilong ol.

Mipela nius lain tu stap long



Pawa hos bilong han: Taim olgeta man i pul ran bilong dispela kanu ken winim 15 hos pawa moto.





Program bilong Wanwan De

De - Mande - Fraide

6am - 10am - Sankamap show - Host: Kas.T
6:00am - Major Nius Bulletin
6:15am - Komuniti Notis Bod
6:25am - Taim Bifo - wanpela singsing b'long bifo.

Tasol
9:30am - Final aua cruz
10am - 3pm - Morin Trek na Belo Pack
10:00am - Major Nius Bulletin - YUMIFM Nius Senta

2:00pm - Major Nius Bulletin - YUMIFM Nius
2:05pm - YU TOK - komiuniti awenes program
2:45pm - YUMI PANIM WOK Segment
3pm - 7pm - Avinun Draiv Taim - Host: Vaviessie

6:10pm - 7:00pm Mon kamap sho
6:45pm - Komuniti Notis Bod
7:00pm - 9:00pm - COCA COLA GARAMUT
7:00pm - Nius - YUMIFM Nius SENTA

Sarere belo cruz - Host: Tuluvan Vitz
1pm - 2pm - Sarere Belo Taim Dedikesen
2:00pm - Nius - YUMIFM Nius Senta
2pm - 6pm - Sarere Avinun Cruz

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
6.30AM Nius na Karen Afes
7AM Stesen Pas

TUNDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karen Afes
7AM Stesen Pas

TRINDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karen Afes
7AM Stesen Pas

FONDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karen Afes
7AM Stesen Pas

FRAIDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karen Afes
7AM Stesen Pas

SARERE - Nait
7PM Stesen op - Ol Nius Hetlain/Program Priviu
7.05PM Musik na Chit Chat
7.30PM Nius

SANDE - Nait
7PM Stesen op - Ol Nius Hetlain/Program Priviu
7.05PM Musik na Chit Chat
7.30PM Nius

Raun wantaim Wantok kru ...

Sentral Waigani Sinema pulim ol pikinini

Nicky Bernard i raitim

NUPELA Paradise sinema o haus piksa long Sentral Waigani i wok long pulap long wiken wantaim ol pikinini.

Long Sarere sinema save op long 11klok moning long soim wanpela piksa long tripela hap insait long dispela sinema, na pinis long 2 kilok apinun.

Ol wok manmeri long sinema save long wanem piksa bilong ol pikinini na save kisim ol go stret long ples bilong ol long lukim piksa.

Dispela nupela sinema i gat ples bilong bai dring na pop kon taim yu stap insait. Yu ken lusim ples bilong lukim piksa na kam baim pop kon na dring bilong yu na go bek insait long lukim piksa.

Olgeta piksa long tripela hap i save kisim olsem tripela awa long lukim na olgeta piksa bai pinis long sem taim long redi long apinun so long kamap.

Planti ol pikinini save sanap long lain long 10klok yet long baim ticket bilong ol long wanem i no bikipela prais tumas olsem narapela haus piksa.

Prais bilong pikinini em K10 na bilong ol bik manmeri em K15, olsem na dispela ples i save pulap long ol pikinini long wiken.

Long sait bilong dispela sinema tu i gat ples bilong ol masin gem, taim ol pikinini pinis long piksa na kam autsait long wetim ol papamama, ol save pasim taim long pilai long dispela ol masin gem.



Nupela Ninja Turtle bai planti pikinini long mun Septemba.

Liklik masin gem ples insait long ples bilong haus piksa.

EMTV Television Guide

FONDE OGAS 21, 2014

4:30 AM G AUSTRALIA NETWORK

5:00 AM G JOYCE MEYER 1092-4

5:30 AM G EMTV NEWS REPLAY

6:30 AM G TODAY

09:00 am G CLASSROOM BROADCASTS

3:30 PM G KIDS KONA

HI 5 S11 EP#46/43

NEW MACDONALDS EP#15/52

PYRAMID S3 EP#42/68

THE SHAK S4 - EP#64/66

5:30 PM G PACIFIC WAY EP#9

6:00 PM G EMTV NATIONAL NEWS

7:00 PM G RESOURCE PNG EP#30

7:30 PM G 2014 - NRL GAMES - ROUND 24

BULLDOGS vs. WEST TIGERS

9:30 PM G RAIT MUSIK EP#225

10:30 PM G SOKA XTRA EP#24

10:40 PM G HOT SPOT EP#29

11:00 PM G NRL FOOTY SHOW Ep#25

12:30 AM G EMTV NEWS REPLAY

.....followed by the Australia Network

FRAIDE OGAS 22, 2014

4:00 AM G AUSTRALIA NETWORK

5:00 AM G JOYCE MEYER 1092-5

5:30 AM G EMTV NEWS REPLAY

6:30 AM G TODAY

09:00 am G CLASSROOM BROADCASTS

3:30PM G KIDS KONA

HI 5 S11 EP#47/43

NEW MACDONALDS EP#16/52

PYRAMID S3 EP#43/68

THE SHAK S4 - EP#65/66

5:30 PM G SKIPPY -MAGGIE

5:55 PM G CRIME STOPPERS

6:00 PM G EMTV NATIONAL NEWS

7:00 PM G IN MORESBY TONIGHT -

7:30 PM G 2014 NRL - ROUND 24

EELS vs. SEA EAGLES

9:30 PM PG MOVIE - ADDICTED TO LOVE

11:30 PM G EMTV NEWS REPLAY

.....followed by the Australia Network

SARARE OGAS 23, 2014

4:30 AM G AUSTRALIA NETWORK

6:00 AM G EMTV NEWS REPLAY

7:00 AM G IN HIS STEPS EP#29

7:30 AM G AUSTRALIA NETWORK

8:30 AM G SKILLICIOUS S1. EP#7/7 - Finale

9:00 AM G DANI'S HOUSE S1 EP#8/12

9:30 AM G ULTIMATE GUINNESS WORLD

10:00 AM G PACIFIC WAY EP#09

10:30 AM G SKIPPY- MAGGIE Rpt.

11:00 AM G AUSTRALIA NETWORK

5:30 PM G OLSEM WANEM EP#32

6:00 PM G EMTV NATIONAL NEWS

6:30 PM G 2014 NRL - ROUND 24

BRONCOS vs. KNIGHTS

8:30 PM G 2014 NRL - ROUND 24

RABBITOHS vs. COWBOYS

10:30 PM G EMTV NEWS REPLAY

.....followed by the Australia Network

SANDE OGAS 24, 2014

3:30 AM G AUSTRALIA NETWORK

6:30 AM G EMTV NEWS REPLAY

7:00 AM G HILLSONG 914

7:30 AM G AUSTRALIA NETWORK

8:30 AM G BUSINESS PNG YR.3 EP#29 rpt.

9:00 AM G TOTALLY SPIES EP#24 - RE-RUN

9:30 AM G OLSEM WANEM EP#32- RPT

10:00 AM G RESOURCE PNG EP#30 - Rpt

10:30 AM G Wildlife of Tim Faulkner Ep9

11:00 AM G RAMSAY'S COOKING SHOW -

EP#1 & 2/20

12:00 PM G 2014 NRL - ROUND 24

WARRIORS vs. ROOSTERS

2:00 PM G 2014 NRL - ROUND 24

SHARKS vs. RAIDERS

4:00 PM G 2004 NRL - ROUND 24

DRAGONS vs. TITANS

6:00 PM G EMTV NATIONAL NEWS



# TORO



# BIABIA



# KANAGE



## KROSWOD

- Akros**
- 1 Nupela provins
  - 4 \_\_\_\_\_ yu kam gud ya!
  - 8 Givim glori i go long God
  - 10 Painim long Lahir
  - 11 No
  - 13 I no hatwok
  - 14 Marasin frut
  - 16 Minista bilong ekstenal Teritori long taim Australia lukautim PNG
  - 18 Ailan long Manus
  - 20 Politikal Pati
  - 21 Kain kain pilai
  - 24 Nem bilong meri
  - 26 Kamap bikpela
  - 28 Mak bilong luksave
- Daun**
- 2 Namba bilong PNG
  - 3 Painapol
  - 5 Gavana bilong Saten Hailans
  - 6 I save kamap long ain na kapa
  - 7 Ailan long Sandaun
  - 12 Pawa lait long taim swis i stap olsem
  - 15 Gaden kaikai
  - 17 Soim amamas
  - 19 Siti long Hailans
  - 21 I lait long skai
- 22 Namba seven mun
  - 23 Namba
  - 25 Ol soldia
  - 27 Wankain olsem 8

## SUDOKU

1	7	8	5	4	9	3	6	2
3	5	2	6	8	7	9	4	1
6	9	4	1	3	2	5	7	8
7	4	9	2	1	3	8	5	6
5	8	3	4	9	6	2	1	7
2	6	1	7	5	8	4	3	9
8	3	7	9	6	4	1	2	5
4	2	5	8	7	1	6	9	3
9	1	6	3	2	5	7	8	4

### Ansa bilong las wik Sudoku # 57

2		3		9			5	
8		1	2			3		
6			5		1			7
4	6		9	7				
	9			2			4	
			4	5			7	8
5			4		2			9
		4			9	1		5
	1			5		4		2

### Ansa bilong Sudoku # 58 neks isu

J	E	N	E	R	E	T	A		L	O	Y	A	I	N
O	I	S	R	O	P	M	A	I	S	P	I	N	A	S
I	S	R	T	I	S	A	I	A	I	L	A	I	L	A
N	U	I	T	I	S	L	A	M	A	L	A	M	A	M
I	S	L	C	H	A	N	O	B	A	M	A	M	A	M
M	U	N	L	A	E	T	I	N	U	N	M			
F	M	E	S	N	O	T	N	A	I	S	K	A		
F	A	R	A	S	I	U	R	I	T	A	N	U	S	
A	M	O	S	S	M	I	T	N	A	M	I			
M	A	M	A	I	A	M	O	G	B	B	R	U	M	
A	S	M	S	O	R	O	A	T	O	I	S			
A	S	A	S	I	A	M	I	N	I	S	I			
H	O	L	I	D	E	K	A	M	P	A	N	I		
A	K	I	S	P	I	P	O	L	A	N	S	A		
M	E	T	I	S	I	P	B	I	S	I	L			
A	N	K	A	K	I	R	I	W	I	N	A	G	O	

### Ansa bilong las wik krowod, isu # 2084

1														
11	12									13				
15										17				
18	19													
20														
24														
28														
30														

© ABS. 2014

# EMTV Television Guide

6:30 PM G <b>VOCAL FUSION SEASON 1 – EP#4</b>	<b>MANDE OGAS 18, 2014</b>	9:00 PM G <b>COCA-COLA SPORTS SCENE EP</b>	7:00 PM G <b>HAUS &amp; HOME Ep#27</b>	5:30 PM G <b>ULTIMATE GUINNESS WORLD</b>
7:30 PM G <b>TOK PIKSA - EP#2014/36</b>		10:30 PM G <b>EMTV NEWS REPLAY</b>	8:00 PM G <b>BUSINESS PNG YR.3 –</b>	6:00 PM G <b>EMTV NATIONAL NEWS</b>
8:00 PM G <b>QRL INTRUST CUP – ROUND 25</b>		.....followed by the Australia Network	8:30 PM G <b>MERLIN SEASON 4 – EP#1/13</b>	7:00 PM G <b>FACT FILES – SKY WALKER –</b>
	4:00 AM G <b>AUSTRALIA NETWORK</b>		10:00 PM G <b>EMTV NEWS REPLAY</b>	8:00 PM G <b>OUR PORT MORESBY EP#43</b>
	5:00 AM G <b>JOYCE MEYER – 1092-1</b>		.....followed by the Australia Network	8:30 PM G <b>VOCAL FUSION S1 – EP#3 –</b>
	5:30 AM G <b>EMTV NEWS REPLAY</b>			9:30 PM G <b>TOK PIKSA Ep#35 Rpt.</b>
	6:00 AM G <b>TODAY</b>			10:00 PM MA <b>DALLAS S2 – EP#15/15</b>
	6:00 AM G <b>TODAY</b>			– Legacies FINALE
	9:00 am G <b>CLASSROOM BROADCASTS</b>			11:00 PM G <b>EMTV NEWS REPLAY</b>
	3:30PM G <b>KIDS KONA</b>			.....followed by the Australia Network
	HI 5 S11 EP#43/43			
	NEW MACDONALD'S FARM S1 EP#12/52			
	PYRAMID S3 EP#39/68			
	THE SHAK S4 – EP#61/66			
	5:30 PM G <b>SKILLICIOUS SEASON 1 – EP#</b>			
	5:55 PM G <b>CRIME STOPPERS</b>			
	6:00 PM G <b>EMTV NATIONAL NEWS</b>			
	7:00 PM G <b>2014 NRL ROUND 23</b>			
	PANTHERS vs. COWBOYS "LIVE"			
		5:00 AM <b>JOYCE MEYER 1092-2</b>		
		5:30 AM G <b>NATIONAL EMTV NEWS REPLAY</b>		
		6:30 AM G <b>TODAY</b>		
		9:00 am G <b>CLASSROOM BROADCASTS</b>		
		3:30 PM G <b>KIDS KONA</b>		
		HI 5 S11 EP#44/43		
		NEW MACDONALD'S FARM S1 EP#13/52		
		PYRAMID S3 EP#40/68		
		THE SHAK S4 – EP#62/66		
		5:30 PM PG <b>DANI'S HOUSE – SEASON 1 –</b>		
		6:00 PM G <b>EMTV NATIONAL NEWS</b>		
			5:00 AM G <b>JOYCE MEYER – 1092 – 3</b>	
			5:30 AM G <b>EMTV NEWS REPLAY</b>	
			6:30 AM G <b>TODAY</b>	
			9:00 am G <b>CLASSROOM BROADCASTS</b>	
			3:30PM G <b>KIDS KONA</b>	
			HI 5 S11 EP#45/43	
			NEW MACDONALD'S FARM S1	
			PYRAMID S3 EP#41/68	
			THE SHAK S4 – EP#63/66	

Ol Progam na Kilok i ken tenis oltaim...



# Ol poto long wiken



**ODINESEN PROSESIO:** Asbisop bilong Pot Mosbi Katolik ASDAIOSIS, John Ribat i go pas long dikon odinesen statim lotu prosesio long las Sarere antap long Bomana Semineri, ausait long Mosbi siti. Long sait sait em tripela yangpela man i bin kisim dikon odinesen. Long bihain em ol pater na rilijes na ol famili, pren, wantok na ol bilip manmeri i bin saisait long dispela bikpela lotu selebresen.



**BIHAINIM KATOLIK TREDISEN:** Tripela yangpela dikon em George Baruka, SM, Ambrose Kakatai, SM em tupela bilong Bogenvil Daiosis na Benjamin Bosili, SVD bilong Wewak Daiosis i slip long plua insait long sios taim asbisop na ol bilip manmeri i pre long taim bilong odinesen seremoni. Dispela i bihainim Katolik tredisen long ol yangpela man i laik mekim promis long kamap dikon na pater.



**DIKONET PREA:** Asbisop John Ribat i wokim prea long Dikon Benjamin na George em tupela bilong Marist Oda o kongriksen na ol i bilong Bogenvil. Ol bai pasim Marist Kolis long Bomana seminari long pinis bilong dispela yia na olgeta yangpela man i laik joinim dispela kongriksen bai go skul long Lomeri, Fiji. **Ol Poto: Veronica Hatutasi**

**Holim strong**

Kanage em bilong Watom ailan long Is Nu Briten provins. Wanpela taim, ol bikman long ples askim Kanage long go wantaim ol long Rabaul taun. Ol kisim moto kam long ples Vunavulile na go sanap long rot wetim kar stap. Wanpela waitman draiv kam na ol stopim em. Waitman askim ol, "Where are guys going?" Nara-pela yangpela mangi tokim em ol laik go long Rabaul taun. Kwan, waitman tokim ol long kalap. Yangpela mangi tokim ol biklain long kalap na em yet bai sindaun long fran long wanem em save long Tok Inglis. Tasol nogat. Kanage tokim em long sindaun wantaim ol lapun long baksait. Kanage kalap long fran na ol ron go. Ol ron go abrusim Vuvu na ren pundaun. Waitman ya tokim Kanage, "Please, wind up your window." Kanage kirap singaut go long ol lain long baksait, "Ol lain, waitman tok olsem holim strong!" Ol ron go long kona bilong Nonga Haus Sik na waitman ya askim Kanage gen, "Please, wind up your window." No gat. Kanage kirap singaut gen long ol lain long baksait, "Aiya, yupela holim strong." Ol ron go na waitman ya belhat long wanem ren wasim insait bilong kar. Em singaut long Kanage, "Wind up your window now!" Tasol nogat. Longlong Kanage singaut long ol lapun long baksait, "Waitman tok kalap go ausait nau tasol." Kanage tasol mekim na olgeta lapun kalap na



kisim bagarap long ol as bilong ol banana.

**Mambu Wantok Bilong Yu Yet**

**San na mun**

Kanage wantaim poroman bilong em Orike pilai snuka long haus bilong Kanage. Sampela meri Kerema go long haus bilong Kanage long kisim wara long paip wara bilong Kanage long wanem ol nogat wara long hap bilong ol. Orike lukim ol meri Kerema wok-about go arere long haus na em giaman na tokim Kanage, "Aiyo, perendo! Bikpela kus stret pas long trausis bilong yu ya!" Kanage paul olgeta na hariap tru rausim trausis bilong em. Ol meri Kerema lukim Kanage sanap as nating na wanpela bilong ol tok, "Aiyo, san tasol bikpela mun kam aut." Kanage harim olsem na bekim, "Sapos mun i sain long ai bilong yu, yu bai tingting na pilim olsem yu stap long mun ya." Meri ya harim bekim bilong Kanage na em tok, "Ating mun ya i mas i gat strongpela lait bilong paulim tingting bilong man gen ya."

**Wopa Mote Mosbi**

**Mangi Papua**

Kanage i save stap long Mosbi. wanpela wiken, boi kalap long balus na go long Rabaul. Em i go long lukim ol bagarap maunten paia i kamapim. Balus i go kamap long Rabaul ples balus na Kanage lusim balus na go arasait. Em i lukim wanpela yangpela meri tolai sanap ausait long teminel na em i askim meri long tok inglis olsem, "Hey lady, is this Rabaul town?" Meri tolai kirap na bekim. "Em nau." Kanage paul na askim gen na meri ya i mekim wankain toktok. Kanage belhat na tokim dispela yangpela meri Tolai olsem, "Oh no. it seems that she is trying to trap me. This is not Rabaul. Em i tok olsem pinis na kalap long balus na go bek long Mosbi. Samting tru i olsem Kanage i no save long tok pisin. Em i save long tok inglis tasol. Watpo? Bikos em i bilong Papua yah.

**Lapun Hookworm**

**Ol skwat!**  
Salim ol gutpela Kanage tok pilai i kam long:  
**Kanage Tok Pilai**  
P.O. Box 1982,  
Boroko, NCD  
Port Moresby.  
Email:  
jwilson@wantok.com.pg

## Wanem samting bai kamap long mi saPOS mi feilim Gret 10 tes?

**Dia Laipain**

**M**I WANPELA Gret 10 sumatin i skul long wanpela hai skul long ples. Na mi wok long stap wantaim amamas tingting olsem bihain mi pinisim Gret 10, bai mi skruim skul i go moa o, mi bai painim wok.

Tasol sampela tisa bilong mipela i tokim mipela olsem i no olgeta bai go long sekonderi skul level. Na tu, no inap long kisim wok.

Mi wok long tingting planti olsem, watpo ol tisa i wokim dispela kain toktok long mipela. Sampela long mipela i wok long mekim gut long skul wok na ausait tu long klasrum eria.

Dispela ol kain toktok i wok long mekim mi les na daunim ol driman bilong mi long samting mi laik mekim long bihain taim bilong mi. Bai mi mekim wanem samting long daunim ol kain toktok we ol tisa i mekim?

**Frustrated Student Dia Pren**

M i luksave long wari yu gat long bihain taim bilong yu. Ol toktok we ol tisa i mekim long sampela sumatin i no inap skruim skul i go moa o i no painim wok taim ol i pinisim Gret 10 i tru. Tasol ol i wokim dispela long givim yupela strong na yupela i ken



wok strong na mekim gut long ol skul wok na stadi bilong yupela.

Tasol long PNG na long ol nara-pela kantri, yum as wok hat long kisim wok we bai lukautim yu gut long bihain taim. i no gat promis olsem olgeta sumatin bai kisim wok bihain ol i pinisim skul bilong ol.

Sapos yu kisim gutpela mak long skul, bai yu gat gutpela sans long skruim skul na long painim wok tu.

Sapos yu gat tingting olsem yum as kisim spes long go long Nesenel Hai skul, i moabeta yu wok hat moa na kisim ol gutpela mak. Yu wokim ol dispela, bai yu gat gutpela sans long skruim skul o kisim wok long bihain taim.

Mipela i luksave olsem em i tingting bilong planti pipel long man i go long skul i mas kisim wok. Dispela i tru, tasol bai yu lukim olsem i no olgeta sumatin inap long kisim wok.

Sampela i save kamap ol misinari, ol narapela i kamap ol fama o fisaman taim ol narapela i kamap ol bisnis man na kain olsem.

Sampela sumatin bai go bek na helpim ol lain long ples i kamapim gut laip bilong ol, bihainim ol samting ol i lainim long skul. Ol i stap amamas na i gat gutpela laip. Wanpela samting tasol em ol i no gat ol samting i kam long ausait wol long mekim ol i laip bilong ol.

I moabeta yu kisim ol dispela toktok olsem salens na noken wari. Kisim strong na wok na stadi hat. Taim yu stadi hat, bai yu gat gutpela sans long skruim na painim wok bihain yu lusim skul. Tingim, i gat gutpela samting long man i hatwok na long ol lesman tu (Galesens 6:7)

I moabeta yu lukim gaidens tisa bilong yu o klas petron long kisim sampela gutpela na kliapela toktok.

**Laipain**

**Sapos yu gat wari o hevi, rait i kam long dispela etres: Lifeline Counselling Services, P O box 6047, BOROKO, National Capital District, PNG. Yu ken ringim opis long telepon namba 3260011 o 3261680. O sapos yu stap long NCD, kam na lukim mipela long opis bilong mipela long Waigani. Mipela i no inap putim trupela nem bilong yu long niuspepa, tasol mipela bai putim ol wari na hevi bilong yu.**

**Laipain**





Goldridge Main long Solomon Ailan. Foto: ABC

## Solomon Ailan i no laikim boksait maining

Jackson Kiloe, premia bilong Choiseul provins i sanap strong egensim tingting bilong sampela lain long kamapim boksait maining long Wagina ailan.

Wagina em i wanpela ailan daunbilo long bikples Choiseul we ol pipel bilong Kiribati we gavman i bin bringim ol i kam long 1960 samting i save stap long en nau.

Premia Jackson Kiloe i tok maining bai bagarapim Wagina ailan we i gat bikpela siwid projek long en.

Em i tok gavman bilong em bai no inap givim laisens long wanpela kampani long mekim wok maining long hap.

Mista Kiloe i tok em i amamas long memba bilong Is Choiseul, Manaseh Sogavare i bin tokaut strong long palamen egensim maining long provins inap ol i mekim ol gutpela senis.

Em i tok tu olsem, em i no save wanem kain gutpela samting o helpim ol pipel bai kisim long dispela kain wok maining.

## Amerika helpim ol Bogenvil

Ol pipel bilong Bogenvil bai go het long kisim helpim long toma kaunseling bihain long gavman bilong Amerika i bin sainim wanpela tok orait bilong givim mani long helpim dispela sevis.

Helen Hakena dairekta bilong Leitana Nehan Developmen Ejensi long Bogenvil i tok-tok wantaim Caroline Tiriman bilong ABC long dispela samting.

Lain bilong Leitana Nehan Developmen Ejensi long Buka bai lukautim dispela wok.

Dispela ejensi i bin statim wok bilong helpim ol pipel husat i bin kisim bagarap na hevi taim bikpela pait i bin kamap long Bogenvil bihain long ol papagraun i kros long Panguna kopa main.

Samting olsem 20 tausen pipel i bin dai long dispela pait.

Dairekta bilong Leitana Nehan Developman ejensi Helen Hakena i tok, dispela em i namba wan taim tru gavman bilong Amerika helpim ejensi bilong em.

Misis Hakena i tok tu olsem maski pait i bin stop planti yia i go pinis, ol pipel i wok long bungim yet hevi long sindaun bilong ol, olsem

na dispela mani bai helpim ol gut tru.

## Solomon Ailan Renbel Provins senisim lida

Lence Tangosia, Premia bilong Renbel Provins long Solomon Ailan i tok em i trupela prima bilong provins. I bin gat sampela ripot i tok ol i votim em aut long las wik.

Mista Tangosia i no bin go long Renbel Provinsal Asembli miting i bin kamap long Pacific Casino Hotel long Trinde las wik we ol i bin votim Timothy Johnston olsem nupela premia.

Tasol Mista Tangosia i tok dispela provinsal asembli miting em i tok stret aninit long lo, na em i lukim olsem em i wanpela politikal ku.

Em i tok pastaim long miting i kamap long Trinde, em i bin salim pas long Minista bilong Provinsal Gavman long saspending Renbel provins.

Mista Tangosia i tok dispela pasin we miting i kamap long Casino Hotel long Honiara na ol i rausim em, i no stret aninit long lo.

Mista Tangosia i tok tu olsem ol toktok long em i paulim hap milien dola long mani bilong provins i no tru.

Em i tok olgeta mani bilong provins we i bin kam long ol bisnis, provinsal tresera nau i kisim na em i gat risit long en.

## Lo na oda hevi i daunim PNG

Wol Benk i tok hevi bilong lo na oda i daunim ol wok bisnis na ol wok mani bilong Papua Niugini.

Moni blong PNG.

Paul Barker, eksektiv dairekta bilong Institute of National Afeas long Pot Mosbi i mekim dispela toktok bihain long ripot bilong Wol Benk olsem eitpela namel long tenpela bisnis long kantri i save lusim bikpela mani long wari bilong ol hevi bilong lo na oda.

Dispela ripot i tok wari bilong lo na oda i save stopim ol nupela kampani long statim ol bisnis bilong ol long PNG.

Dispela ripot i tok tu olsem ol bisnis i save lusim planti mani tumas long kisim ol sekyuriti kampani long lukautim ol bisnis bilong ol.

Mista Barker i tok wari bilong lo na oda i save stopim tu ol pipel bilong PNG long statim ol liklik bisnis bilong ol yet olsem wok turis na ol narapela liklik wok bisnis.

# Ol Poto nabaut



Wanpela mama bilong Asaroyufa hauslain long Isten Hailans i putim tum-buna bilas na kirapim bikpela das long taim bilong opisel opening bilong nupela midwaifri trening senta long Goroka, Isten Hailans tupela wik i go pinis.



Ol yangpela meri long Asaroyufa hauslain long Isten Hailans i soim kala stret bilong singsing na pulim lain i go long opisel opening bilong nupela midwaifri trening bilding long Goroka, Isten Hailans Provins.



Midwaifri trening bilding we Dipatmen ov Foren Afeas na Tred (DFAT) aninit long Australia gavman i kirapim na givim i go long Yunivesiti ov Goroka. Bilding i kos moa long K7.5milien em 'DFAT' i fandim. Ol Foto: Sape Metta



# Ol sumatin bilong DWU go lukim Ramu NiCo

**James G. Kila i raitim**

**OL FAINAL yia Bisnis Menesmen sumatin bilong Divain Wod Yunivesiti (DWU) las wik Fonde i bin amamas long kisim ol infomesen long Ramu NiCo (MCC) long taim ol i mekim wanpela lukluk raun i go long edministresen bes bilong kampani long Madang.**

Ol 33 fainal yia Bisnis Menesmen sumatin wantaim 9-pela leksera bilong ol i bin

go long Ramu NiCo Bes na i guria stret long planti samting ol i lukim insait long eria bilong kampani na tu, ol i harim ol toktok bilong ol opisa bilong kampani.

Astingting bilong dispela raun bilong ol DWU sumatin em long lainim sampela samting long sait long menesmen praktis we i go wantaim kwaliti menesmen, lainim ol ogenaísesen wok, senis long menesmen na menesmen plen.

Dispela wokabaut i givim

sans tu long ol sumatin long lainim wantaim ol wok Ramu NiCo i save kisim long go wantaim ol senis long sait bilong wol bisnis envairomen o eria bilong wok.

Pablik Rilesens Opisa bilong Ramu NiCo, Mathew Yakai wantaim Human Risos Suprintenden long Rikrutmen, Linda Gumaim i toktok long ol sumatin na bekim ol askim bilong ol sumatin na leksera.

Pastaim long ol i go insait long ol toktok na askim

kwesten, ol i bin harim na lukim wanpela pawa poin presentesen we Ramu NiCo i soim stat bilong Projek wok i go inap long taim bilong operesen o prodaksen i kamap.

Ol sumatin na ol leksera i askim planti ol gutpela kwesten long wok Ramu NiCo i mekim long sait long menesmen na ogenaísesen straksa, na tu long sait bilong bisnis praktis na ol salens ogenaísesen i bungim.

Mista Yakai na Mis Gumaim i bekim sampela askim

bilong ol sumatin na ol sumatin i klia long wok bilong Ramu NiCo.

Wanpela sumatin meri, Rowena Augera i makim ol sumatin na leksera long tok tenkyu long Ramu NiCo long givim tok orait long ol i go visit na tu, harim ol gutpela toktok we i givim klia tingting long ol sumatin.

Mista Yakai i tokim ol sumatin na leksera bilong DWU olsem Ramu NiCo i save amamas long stap insait long ol program bilong

DWU olsem open-de na kalsa de. Ramu NiCo i luk-save long DWU olsem wanpela gutpela divelopmen patna long divelopmen bilong ol saveman na meri long Madang provins na PNG.

Wanpela sumatin, husat i go pas long redim dispela wokabaut bilong ol DWU sumatin, Margorie Kwanga i soim amamas bilong ol sumatin na leksera na i givim wanpela setifiket long Ramu NiCo long soim amamas bilong ol.

## Dinau bilong kantri bai go antap long K7 bilien: Oposisen

**Stanley Nondol i raitim**

OPOSISEN i tok olsem dinau bilong kantri bai go antap long K7 bilien bikos gavman i yusim planti mani ausait long baset na i kisim planti dinau tumas. Kantri bai i no inap bekim ol dispela dinau na ol sitisen bai pilim pen bilong strong pundaun bilong kina na ol arapela hevi.

Deputi oposisen lida Sam Basil i tok oposisen i lukim olsem dinau bilong kantri long 2015 baset bai go antap na stap namel long K5 bilien na K7 bilien.

Mista Basil i tok dinau bai go antap na kantri bai no inap bekim gut bikos gavman bilong O'Neill nau i wok long yusim bikpela mani bilong kantri ausait long 2014 baset.

Mista Basil i tok gavman i wok long kisim bikpela dinau long ausait olsem UBS

dinau long K3 bilien long baim bek 10 pesen dinau long Saina Exim benk i nau putim dinau bilong kantri long K2.3 bilien pinis long 2014 baset.

“Gavman i ting olsem baset bilong kantri bai kem bek long balens long 2018 taim PNG LNG i pulim bikpela winmani i kam insait. Dispela i ken kamap sapos gavman i no kisim dinau mani long ol ausait kantri,” Mista Basil i tok.

Mista Basil i tok i mas i gat independen odita i stap insait long menesmen na kontrol bilong pablik mani long sekim akaun bilong gavman na sekim gut rot bilong givim ol kontrak wok bilong gavman.

Mista Basil i tok PNG CPA memba i ken mekim gutpela wok long kontrolim gut mani we i wok long lus long ol bikpela kontrak, dinau gavman i kisim long ausait na

bikpela komitmen gavman i mekim we i no stap long baset bilong kantri.

Memba bilong Bulolo Sam Basil em i fainensel mausman bilong oposisen na deputi lida.

Mista Basil i makim oposisen na mekim dispela toktok long bikpela kibung bilong Anuel konprens bilong ol akaunten long Lae, Morobe provins.

Mista Basil i tok oposisen i lukim olsem gavman i no lukautim gut mani bilong kantri.

“Oposisen i lukim em olsem gavman i kisim dinau ausait long 2014 baset olsem UBS dinau em i asua aninit long lo bilong kantri,” Mista Basil i tok.

Mista Basil i tok PNG i stap long mak bilong fainensel hevi olsem ol kantri long Yurop bikos oposisen i lukim olsem aninit long O'Neill gavman,

## LNG projek bai helpim kantri – O'Neill

PRAIM MINISTA Peter O'Neill i tok kantri i kisim bikpela sevis long LNG projek na bai kisim yet long ol yia i kam bihain. Em i tok gavman bai bihainim stret lo na gutpela rot long menesim ol winmani bilong LNG na ol pipel long kantri bai kisim sevis long helpim laip bilong ol.

Mista O'Neill i tokim ol stekholda na projek patna long selebresen bilong projek las wik Fraide long Pot Mosbi olsem kantri bai kisim bikpela sevis long winmani LNG projek bai pulim i kam.

Mista O'Neill i tok gavman bai menesim gut ol winmani bilong LNG na no gat paul pasin bai kamap. Em i tok gavman i wok yet long stretim Sovren Welt Fan long menesim winmani bilong LNG na klostu bai dispela bil i kamap long palamen i givim tok orait bilong en.

Mista O'Neill i tok LNG projek bai sapotim planti program bilong gavman. Em i tok gavman i save olsem bai gat winmani i kam long LNG projek, olsem na gav-

man i givim fri edukesen na fri helt sevis long ol sitisen bilong kantri.

Praim Minista i tok gavman i wok long stretim ol infrastraksa olsem rot na bikpela nesenel haiwe long opim rot bilong ikonomik divelopmen. Em i tok ol hevi bilong lo na oda tu i kam daun long tupela yia i go pinis.

Mista O'Neill i tok LNG projek i givim planti sevis long ol papagraun na givim planti trening long ol wok manmeri.

Mista O'Neill i tok LNG projek em i bikpela divelopmen long kantri na i opim ai bilong wol na pulim pinis planti ol bikpela ovasis investa.

Em i tok LNG projek i pulim planti invesmen na planti gutpela samting bai kamap long gutpela bilong kantri. Gavman bilong nau na bihain i mas amamas long gutpela samting LNG projek i kisim i kam na menesim gut ol winmani.

Praim Minista i tok ol papagraun bilong LNG projek i

mekim namba wan wok long sapotim projek long karim kaikai.

Mista O'Neill i tok LNG projek i helpim planti ol liklik kampani bilong papagraun long gro. Ol i bin kisim gutpela sevis long taim bilong konstraksen na bisnis bilong ol i gro.

Moa long 10,000 wokman na meri i kisim trening wantaim LNG projek long taim bilong konstraksen na planti ol sevis papagraun bai kisim yet long ol yia i kam bihain.

Praim Minista i tok tenkyu long ol projek patna olsem ExxonMobil, Santos, Oil Search, JX Nippon, wantaim ol provinsal gavman bilong Sauten Hailans, Hela, Galp na Sentral provins long ol sapot bilong ol.

Praim Minista i tokim LNG divelopa na Exxon Mobil olsem maski planti toktok i kamap long politiks olsem LNG mani bai no inap givim sevis long ol pipel, em i tok dispela em politiks toktok na gavman bai go het long menesim gut winmani aninit long lo bilong kantri.

## OTML givim moa fan long helt program

OL pipel bilong Not Flai Distrik long Westen Provins bai kisim yet helt sevis bikos Ok Tedi Main Limited (OTML) i givim sampela moa mani long helpim helt sevis bilong ol.

OTML i givim K32 milien moa i go long Not Fali Helt Sevis Divelopmen Program (NFHSDP) long narapela 5-pela moa yia inap bai pinis long yia 2018.

Dispela helt program, em i kamap long tingting bilong OTML yet long yia 2009 na insait long namba wan 5-pela yia bilong en, em i bin helpim gut tru distrik helt sevis stendet long kamap gut.

OTML Emploj Jeneral Menesa na Ekstenal Rilesens Musje Werror i tok, tingting bilong givim moa mani long narapela 5-pela yia moa bai bringim moa sevis i go insait long ol ruel eria bilong distrik.

Ol Abt JTA na Evanjelikal Sios bilong PNG (ECPNG),



**Nes Veronica Kekae bilong Not Flai Helt Sevis Divelopmen Program i givim banis sut long wanpela liklik boi bilong Gusiore viles insait long Not Flai Distrik.**

Katolik Helt Sevis na Not Flai Distrik Helt Sevis i wok poroman aninit long dispela helt sevis program.

“OTML i laikim gutpela stori bilong em bai i stap bi-

hain taim olgeta wok bilong main i pinis. Olsem na mipela laik helpim ol komyunit long ol i mas gat gutpela helt na edukesen sevis long gutpela stendet we bai helpim ol



**Wanpela nesing opisa bilong Not Flai Helt Sevis Divelopmen Program, Grace Lipen i helpim wanpela pikinini long Tabubil.**

pipel long bihain,” Mista Werror i tok.

Abt JTA Jeneral Menesa, Geoff Scahill i tok dispela program i helpim planti lain long ol ruel eria insait long

distrik husat pastaim i no save lukim wanpela kain helt sevis olsem. Na em i tok tenkyu long OTML long putim mani i go insait long dispela helt sevis.

“Mi amamas long ol woklain bilong NFHSDP na ol patna long strongpela wok ol i mekim insait long las 5-pela yia na mekim dispela program i kamap gutpela tru. Maski ol i mas wok insait long hatpela ples, ol i brukim ol kain hevi na bringim helt sevis i go long Westen Provins,” Mista Scahill i tok.

Long taim dispela program i kirap long 2009 i kam inap nau, planti gutpela senis i bin kamap na i helpim planti ol helt indiketa o mak bilong helt.

Namba bilong ol lain i kisim malaria i go daun long 316 long 2009 na kisim 143 tasol long 2013; misels banis sut i karamapim 58 pesen i winim 39 pesen bilong 2009; namba 3 raun bilong pentavalen i senis long 49 pesen long 2009 i go antap long 74 pesen long 2013; na mama karim i kisim helpim em 82 pesen long 2013 i winim mak bilong 65 pesen long 2009.



# Bisnis Menesmen sumatin bilong DWU go lukim Ramu NiCo

**James G. Kila i raitim**

**OL FAINEL** yia Bisnis Menesmen sumatin bilong Divain Wod Yunivesiti (DWU) las wik Fonde i bin amamas long kisim ol infomesen long Ramu NiCo (MCC) bihain long ol i mekim wanpela edukesenel lukluk raun i go edministresen bes bilong kampani long Madang.

33 fainel yia Bisnis Menesmen sumatin wantaim 9-pela leksera bilong ol i bin go long Ramu NiCo Bes na i guria stret long planti samting ol i lukim insait long eria bilong kampani na tu harim ol toktok ol opisa bilong Ramu NiCo.

As tingting bilong dispela go bilong ol DWU sumatin em long lainim sampela samting long sait long menesmen praktis we i go wantaim kwaliti menesmen, lainim ol ogenaisesen wok, senis long menesmen na menesmen plen. Dispela wokabaut tu i givim sans long ol sumatin long lainim wantaim ol wok Ramu NiCo is save yisim long go wantaim ol senis long sait bilong



Ol DWU sumatin i sanap fran long Madang Bes bilong Ramu NiCo (MCC).

wol bisnis envairomen o eria bilong wok.

Pablik Rilesens Opisa bilong Ramu NiCo, Mathew Yakai wantaim Human Risos Suprintendent long Rikrutmen, Linda Gumaim i

givim toktok na bekim ol askim ol sumatin na leksera i askim.

Pastaim long ol i go insait long ol toktok na askim kwesten, ol i bin harim na lukim wanpela pawa-poin

presentesen we Ramu NiCo i soim stat bilong Projek wok i go inap long taim bilong operesen o prodaksen i kamap.

Ol student na ol leksera i askim planti ol gutpela

kwesten long wok Ramu NiCo i mekim long sait long menesmen na ogenaisesen straksa, na tu long sait bilong bisnis praktis na ol salens ogenaisen i bungim.

Mista Yakai na Mis Gu-

maim i bekim sampela ol askim bilong ol sumatin, we i givim ol sumatin sampela aidia o save long wok bilong Ramu NiCo.

Wanpela sumatin meri, Rowena Augera i makim ol sumatin na leksera long tok tenkyu long Ramu NiCo long givim tok orait long ol i go visit na tu harim ol gutpela toktok we i givim klia tingting long ol sumatin.

Mista Yakai i tokim ol sumatin na leksera bilong DWU olsem Ramu NiCo i save amamas long stap insait long ol program bilong DWU olsem open-de na kalsarel de. Ramu NiCo i luksave long DWU olsem wanpela gutpela developmen patna long sait long developmen bilong ol saveman meri long Madang provins na PNG.

Wanpela sumatin, husat i go pas long redim wokabaut bilong ol DWU sumatin i go long Ramu NiCo Madang Bes, Margorie Kwanga i soim amamas bilong ol sumatin na leksera na i givim wanpela setifiket long Ramu NiCo long soim amamas bilong ol.

## PNG Wimens Maikrobenk i namba wan long Pasifik

### Ol meri i gat benk bilong ol yet

**Stanley Nondol i raitim**

PAPUA Niugini Wimens Maikrobenk i op las wik long Mosbi na em namba wan kain benk olsem bilong ol meri long Pasifik na i namba 4 benk long wol long givim benk sevis long ol meri tasol.

Dispela benk i op las wik long Pot Mosbi bihain long Benk bilong Papua Niugini i givim laisens long operet wankain olsem ol arapela benk.

Ol kastoma bilong PNG Womens in Bisnis i kamap kastoma bilong benk. Ol deposit bilong ol meri long Women in Bisnis i kam insait long dispela nupela benk, Womens Maikrobenk.

Meri husat i kirapim dispela benk em Janet Sape, wanpela bisnis meri. Mis Sape i statim dispela bisnis olsem Siti Wimens Foundesen na bihain em i senisim i go kamap Women in Bisnis.

Mis Sape i tok em bin kisim

ol kain kain toktok long dispela bisnis tasol tingting na plen bilong em i karim kaikai.

Dispela benk nau i opim dua bilong ol meri long kantri long kisim ol helpim bilong benk na mekim bisnis.

Gavana bilong Nesenel Kepitol Distrik (NCD) Powes Pakop long taim bilong opim benk i tok em i amamas long lukim kantri i gat benk bilong ol meri yet.

Gavana Pakop i givim K150, 000 long helpim benk long mekim wok bilong en.

Minista bilong Komyuniti Developmen Delailah Gore, Minista bilong Tred Komes na Industri, Richard Maru, bosman bilong Maikro Kredit bilong BPNG Ellison Pidik na Siaman bilong benk, Gabriel Kapris i bin kamap long taim bilong opim benk.

Dispela benk bai wok wankain olsem ol narapela benk long givim sevis long ol meri long putim mani, rausim mani, na kisim dinau mani na ol arapela sevis.

## CIC tekova long CCI

**Stanley Nondol i raitim**

OL KOPI fama bai kisim helpim long Kopi Industri Kopresen (CIC) long apim kopi prodaksen bilong robasta kopi bihain long gavman i givim Kakao Kokonas Institut Omuru (CCI) long sab stesin long Madang provins i go long CIC.

Nesenel Eksektiv Kaunsil (NEC) i givim tokorait long CIC bai divelpoim Omuru sab stesin i go long rises, divelpomen na risos senta long helpim long apim prodaksen bilong robasta kopi long lowlen eria o ol ples i stap long nambis.

Praim Minista Peter O'Neill i tokaut long disisen bilong NEC na em i tok kopi prodaksen i wanpela impoten sekta long kantri na gavman bai sapotim kopi sekta long gro na ekspotim moa kopi go aut long wol maket.

Mista O'Neill i tok, 95 pesen bilong kopi bin long kantri i kam long arabika kopi na 5 pesen i kam long robasta kopi.

Arabika kopi i gro long hailans na robasta kopi i gro long nambis eria.

Praim Minista i tok i gat bikpela sans long apim maket bilong robasta kopi bin bilong ekspot na yumi i gat nid long kamapim risets wok na apim prodaksen bilong robasta kopi.

Mista O'Neill i tok kopi em i bikpela bisnis bikos planti pipel i stap long dispela bis-

nis na i sapotim ol yet na helpim ol yet. Em i impoten long SME na i gat nid long gavman bai sapotim ol liklik kopi fama long gro.

Nesenel gavman i no longtaim i go pinis i tokaut long Kopi Industri Stretejik Plen 2013 - 2018 long sapotim kopi bisnis long kantri.

Mista O'Neill i tok CIC i bungim planti hevi long prodaksen bilong kopi i stap daunbilo. Na kantri i salim liklik tasol long wol maket.

Em i tok wok long Omuru bai lukluk long kamapim ol gutpela diwai kopi na fil menesmen long helpim ol liklik kopi fama long groim moa Robasta kopi na apim prodaksen long ol yia i kam bihain.

Dispela tekova bilong Omuru bai lukim planti wok i kamap na bai i gat planti sans long ol risets saintis, ekstensen opis na ol kopi fama bai kisim trening long groim moa kopi.

Praim Minista i tok Robasta Kopi maket i kamap bikpela nau tasol bai i no inap bagarapim maket bilong Arabika kopi.

Kopi bin ekspot bilong kantri i stap long everej mak bilong 1,057216 beg long wan wan yia na winmani bilong ekspot i stap long K451 milien long wan wan yia.

Bikpela maket bilong PNG kopi ekspot em kantri Jemani long 51 pesen, US long 17 pesen na Australia 14 pesen na Japan 6 pesen.



**Ol gutpela pipol bilong PNG!**

**Noken lus tingting long baim**



**WANTOK**

**Niuspepa Tude!**

**Em niuspepa bilong yumi ol PNG stret!!!**





# Ramu NiCo kirapim gen nomal prodaksen

**N**AMBA wan nikel/kobalt Projek we Ramu NiCo i developim long Madang provins i kirapim gen nomal prodaksen bilong en insait long tupela de bihain long ol ples-lain i bagarapim ol masin bilong wok na stopim wok long KBK Main.

Developa, Ramu NiCo Menesman (MCC) Limited i bungim bikipela bagarap stret taim ol plesman i go insait long main eria na kukim ol masin bilong wok maining we moni-mak bilong en em moa long US\$5.06 milien.

Dispela hevi i bin kamap long Mande, Ogas 4, 2014. Wok i bin stop tupela de na kirap gen long Trinde, Ogas 6.

Dispela bagarap Kampani i bungim em Gavman bilong China na PNG i luksave pinis. MCC-Grup long China na ol arapela stekholda tu i luksave olsem Ramu NiCo Projek em bikipela samting tumas, na wok mas go het, maski hevi i bungim em.

MCC-Grup, husat em mama kampani bilong Ramu NiCo i bin salim wanpela spesel tim long toktok wantaim ol lain bilong PNG Gavman, na ol i bin mekim lukluk raun i go long KBK Main na Basamuk Rifaineri long Sarere, Ogas 9.

"Mipela i bungim olgeta ol risoses mipela i gat i stap na ol masin na ol wokman bilong mipela long gohet long prodaksen, na mipela i bilip mipela bai bungim mak bilong prodaksen stret long dispela yia" Ramu NiCo i tok.

Prodaksen long KBK Main i go het gut tru i kam inap long wok i bin stop long tupela de, bihain long sampela lain plesman i kukim 5-pela eskeveta, wanpela fiul-trak na tupela Liebherr 974 ekskeveta.

Gavman bilong China i tokaut olsem maski olsem Prodaksen i go bek nomal gen, em i askim Gavman bilong PNG long lukluk moa long banisim ol birua na lukautim sefti bilong Projek na ol wokman meri.

Kampani i luksave olsem dispela Projek em bikipela samting long helpim ekonomi bilong PNG, ol stekholda, join vensa patna na ol papagraun. Olsem na maski olsem Kampani i lusim bikipela mani, em i sanap yet long wok strong i go bungim stret prodaksen mak bilong dispela yia 2014 long 70%.

"Mipela i gat gutpela wok-bung wantaim ol lenona asosesin na ol eksekutiv bilong ol, na ol i sapotim Projek. Olsem na mipela i no inap larim ol liklik lain grup long bagarapim Projek we planti lain long nesenel level i luksave long en" Menesmen bilong Ramu NiCo i tok.

Ramu NiCo i gat wok long mekim long bringim ol helpim bilong dispela Projek i go long PNG, na i no amamas long bagarap we liklik lain tasol i kamapim.

Kamap bilong Ramu NiCo Projek insait long dispela taim i givim wok long planti lain, i bringim nupela rot na bris developmen long Usino-Bundi distrik na kamapim tu wok bisnis taim Projek i stap yet long Konstraksen.



Basamuk Rifaineri i kisim graun long KBK Main na wok i go het gut.



KBK LOA Siaman, Mathew Denguo i tok sori long birua i kamap long KBK Main.

"Mipela bai go het long kamapim gutpela wok-bung wantaim gutpela tingting namel long ol Projek papagraun long gutpela bihain-taim bilong Projek long helpim ol Projek seaholda," Ramu NiCo i tok.

Ramu NiCo i tokaut long ol papagraun na ol stekholda olsem em i stap strong yet long bringim ol helpim we i stap insait long Rivais Projek MOA.

Siaman bilong KBK Lenona Asosesin, Mathew Denguo i makim maus bilong bikipela lain papagraun long tok sori long



KBK Main wok i go het nau bihain long birua i kamap.

Ramu NiCo (MCC) na ol Projek seaholda long dispela bagarap ol liklik lain tasol i kamapim long Monday, Ogas 4.

Mista Denguo i tok KBK LOA na ol lida i bin sapotim dispela Projek long namba wan de yet i kam na kain pasin ol liklik lain i wokim long bagarapim masin i no stret, na polis yet bai lukluk long dispela hevi.

Bihain long em i tok sori long Ramu NiCo (MCC), Mista Denguo i askim ol papagraun long stap isi na noken long bagarapim Projek we i kisim planti yia tru long kamapim in-

sait long eria bilong ol.

Ramu NiCo i tokaut olsem em bai go het yet long wok-bung na karimaut ol sosel wok em i mas wokim aninit long Rivais MOA na wok klostu wantaim ol stekholda olsem ol LOA long kamapim gutpela wan-bel pasin na wok-bung long gutpela bilong olgeta lain.

"Yumi mas holim han wantaim na traim hat long wok i go bungim Prodaksen mak mipela i makim, na tu bringim ol helpim i go long ol pipel olsem wanpela gutpela developa," Ramu NiCo i tok.

## Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisanim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikipela wok konstraksen long namba tu hap bilong 2008. I kam inap nau, olgeta bikipela konstraksen wok long Krumbukari main sait na Basamuk rifaineri i pinis, na projek i stap redi long kisim komisani o tok orait long mekim wok. Long wol tu, dispela kain hariap sanapim em i no kamap bipo long wanpela kain bikipela projek olsem, na i daunim olgeta

salens bilong graun na masin bilong mekim wok.

**Ol dispela namba i soim kliia mak bilong wok mipela i pinisim:**

- Moa long 4.5 milian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil bilding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paiplain)

**'Wanpela Ramu NiCo, Wanpela Komuniti'**



# Raskol go insait long Kokopo maket

**Michael Novingu i raitim**

KOKOPO maket i no mo seif long ol manmeri i kam salim ol kaikai na ol arapela samting.

Noah Eka i mekim displa toktok bihain long ol raskol i kam insait long maket na holim pasim em na kisim ol mobail fon, fleks kad, top ap na ol arapela samting long Kokopo maket long las wik Fraide.

Mista Eka i tok olsem 10-pela yut i holim homeid gan, busnaip, sarep na ol arapela samting bilong pait na kam insait long maket kisim ol mobail fon, fleks kad na ol arapela samting inap long mak bilong K3,000 na ranawe i go.

Em i tok olsem taim ol i kam insait long maket wanpela bilong ol i kam giaman olsem kastoma na i laik baim fleks kad. Em i tok ol arapela lain i kam pretim em wantaim ol samting bilong pait na stilim ol samting na ranawe i go hait namel long ol manmeri long maket na go nabaut.

Eka i tok em i no mekim wanpela samting long holim

pasim ol bikos em i pret long laip bilong em bikos ol raskol i holim ol samting bilong pait.

Dispela hevi kamap long bikipela san long we Kokopo maket atoriti sekyuriti na wanpela privet sekyuriti kampani sekyuriti i putim was long maket i no mekim wanpela samting long stopim ol dispela raskol man Eka i tok.

Em i tok olsem dispela hevi i kamap klostu long Namba 8 bas stop we planti manmeri i stap long en tasol no gat wanpela manmeri i helpim em long stopim ol raskol.

Eka i tok dispela kain pasin nogut i kamap i bagarapim gutpela nem bilong ol pipel bilong Is Nu Briten na i no stret.

Em i tok olsem ol manmeri bilong arapela provins i kam wok i stap long helpim long

kirapim ikonomi bilong dispela provins.

Eka i tok olsem bikipela gavman i makim Is Nu Briten i ples bilong ol turis i kam lukluk raun.

Em i tok kain pasin nogut bai soim piksa nogut long provins na ol turis bai i no inap kam bikos ol

raskol i stap long Kokopo



Ol kastoma i laik baim flex kad we Eka i salim, Eka i sindaun na lukluk long kastoma. *Poto Michael Novingu*

maket.

Eka i singaut i go long Kokopo maket atoriti na ENB Provinsal Edministresen long putim strongpela sekyuriti long putim was long ol manmeri i kam salim ol kaikai na arapela samting bilong.

Em i tok olsem em i save baim takis na yusim wara na

ol arapela samting insait long maket long K20 long wan wan de.

Eka i tok em i putim ripot pinis long ol polis long Kokopo na ol mekim wok painimaut yet.

Long wankain taim wanpela mama long ples Vunamami husat i no laik tokaut

long nem bilong em i tok olsem dispela kain pasin nogut i save kamap plenti taim long maket.

Em i tok ol sumatin i save kam rausim ol yunipom bilong ol na kam sekim ol klos na laplap, bilum na ol

arapela samting ol mama i salim. Em i tok ol i save kisim

ol samting na ranawe.

Em i tok ol mama i no gat strong long raunim ol na holim ol.

Mama ya i singaut i go long ol papamama bilong ol dispela pikinini long skulim ol gut bai ol i no ken mekim kain pasin nogut olsem long bihain taim.

## EHWIA plen long bikipela florikalsa trening

**Sape Metta i raitim**

OL mama long 8-pela distrik long lsten Hailans bai i gat sans nau long lainim planti skil o save bilong florikalsa o fawa binis, long wanem, ol lidameri husat i go pas long lsten Hailans Wimen in Egrikalsa (EHWIA) bai sindaun long wanpela bung long Goroka sampela taim long dispela yia.

Vais Presiden, Misis Kena i tok i mas kisim planti trening long kamap gutpela fama meri long florikalsa bisnis.

Em i tok florikalsa o planim, kamapim na wok bilong flawa em i bikipela bisnis we ol mama i ken kisim bikipela samting long en.

“Olsem na long dispela as tingt-

ing, Wimen in Egrikalsa long provins i wok long wokim plen nau long bringim ol lain husat i gat save long wok bilong florikalsa i kam antap long lsten Hailans na lainim na skulim ol meri long provins long wok bilong florikalsa,” Misis Kena i tok.

Em i tok em i gutpela long luksave olsem i gat sampela ol mama long provins i wok long mekim florikalsa o flawa bisnis.

Tasol long mekim dispela wok i kamap gutpela moa, ol i mas kisim planti moa skil trening long kamapim gut florikalsa bisnis bilong ol.

Na dispela trening we i stap long plen nau i wanpela gutpela eria we ol i ken kisim skil trening na kamapim gut flawa bisnis bilong ol.

## Ol saplaia i no save odaim gut ol sid - FPDA

**Sape Metta i raitim**

TAIM populesen o namba bilong ol manmeri i wok long gro bikipela tru long olgeta hap bilong Papua Niugini, em bai sotim tu planti samting.

Na ol fres kaikai bilong gaden em i sampela long dispela ol samting we i wok long sot klostu klostu.

Dispela i kamap long wanem, ol saplaia na ol ples we ol i save salim sid bilong ol gaden kaikai olsem kerot, kebis, brokoli, raun anien, bin, tomato na ol arapela sid we ol i save impotim o kisim i kam long ovasis i save ran aut o pinis hariap tru.

Na Fresh Produce Development Agency (FPDA) i no amamas long dispela, long wanem, ol fama na ol asples pipel husat i save benefit o kisim helpim long dispela ol kaikai

sid i save kisim taim stret long taim ol kaikai sid i save pinis. Na dispela em i no fea.

Ol lain i makim FPDA i tokim Wantok Nius olsem askim(demand) bilong ol sid em i go antap tru, olsem na ol bikipela saplaia na outlet i maswokim bikipela balk oda bilong ol sid i kam long sevim ol fama long ol ples na tu, ol lpipep husat i save groim na saplaim ol fres kaikai bilong gaden.

Ol i tok strong olsem, “mipela yet i mas traim long kamapim na promotim ol egrikalsa samting bilong mipela yet, na mipela i no ken lukluk i go long ol kaikai, kumu na prut samting bilong ol ovasis lain.

Sapos ol fama na ol asples pipel i ken mekim olsem, ol bai no nap sot long ol kaikai sid.

# FLY OUR WAY SALE

Lae	↔	Buka	K499
Lae	↔	Kavieng	K369
Lae	↔	Madang	K239
Lae	↔	Popondetta	K279
Lae	↔	Kokopo	K339
Lae	↔	Wewak	K349
Madang	↔	Wewak	K229
Port Moresby	↔	Daru	K349
Port Moresby	↔	Goroka	K299
Port Moresby	↔	Alotau	K279
Port Moresby	↔	Mt. Hagen	K299
Port Moresby	↔	Lae	K249
Port Moresby	↔	Popondetta	K209
Port Moresby	↔	Wewak	K349
Kokopo	↔	Buka	K249
Kokopo	↔	Kavieng	K229

PORT MORESBY - Level 1, Pacific Place 321 3400  
 - Vision City 7373 4250  
 MT. HAGEN - Central Highlands Printers 542 0662  
 - Kagamuga Airport 542 2732  
 LAE - Micro Bank Haus, Fifth Street 479 5980  
 POPONDETTA - Top Town (opposite Memorial Park) 629 7638  
 - Preston White Street 641 1288  
 ALOTAU - Airport 532 2532  
 GOROKA - Airport 649 9171  
 TABUBIL - Airport 649 1125  
 KIUNGA - Global Travel 422 0011  
 MADANG - Travel Line Ltd 983 4409  
 KIMBE - Rabaul Hotel 982 1999  
 RABAU

Ol dispela balus ticket em wan wei long flai namel long Mande 18th August igo inap long Fonde 18th, Septemba 2014.  
 Yu ken baim tiket namel long Trinde 13th igo Trinde 27th August, 2014.  
 Rul blo baim ticket i stap na sit i sot.

Ringim 72222151  
 or go lukluk long  
[www.apng.com](http://www.apng.com)

Airlines PNG



# Ol kriket lejen bai kam long PNG

## Isaac Liri i raitim

BIKPELA kriket pilai bilong ol kriket lejen o biknem kriket pilai, bai kamap gen insait long kantri long dispela yia. Dispela pilai em Pacific MMI i stap olsem namba wan sponsa, na ol i save kolim Pacific MMI Legends Big Bash.

Dispela yia em namba 5 taim bilong dispela pilai long kamap. Dispela pilai i save lukim ol biknem kriket pilai bilong wol i kam long Papua Niugini na stap olsem kosa bilong tupela tim bilong ol Baramandi husat bai salens namel long ol yet.

Dispela pilai bai kamap long namba 30 de bilong dispela mun.

Long las yia, tripela biknem kriket pilai bilong Wes Indies i bin kam. Ol dispela pilai em Dwayne Bravo, Kemar Roach na Richie Richardson.

Dispela yia, tupela biknem kriket pilai bilong Sri Lanka na tupela bilong Australia bai kam. Dispela tupela man Sri Lanka em Arjuna Ranatunga na Asanka Gurusinha. Dispela tupela pilai i bin helpim



**Andy Bichel bilong Australia bai kam gen long kantri bi-hain long em i bin lusim kantri taim kontrak bilong em olsem het kosa bilong Cricket PNG i pinis.**

Sri Lanka long winim Australia long wol kap long 1996.

Long makim Australia, Andy Bichel na Carl Rackerman bai kam. Andy Bichel i bin stap olsem het kosa bilong Cricket PNG long 2011 na 2012.

Raun bilong dispela foapela kriket lejen bai lukim ol i go pas long mekim awenes long no ken dring bia na draivim kar.

Pacific MMI na Motor Vehicle Insurance Limited (MVIL) i go pas long sapotim awenes bilong no ken dring



**Biknem kriket pilai bilong Sri Lanka, Asanka Gurusinha bai kam long Papua Niugini.**

bia na draivim kar.

Planti manmeri long kantri i wok long dai bikos long pasin bilong dring bia na draivim kar na Pacific MMI na MVIL i lukim olsem i moabeta long mekim planti awenes long dispela.

Menesing Dairekta bilong Pacific MMI, Wayne Dorgan, i amamas tru long ol biknem kriket pilai i kam long kantri long mekim awenes.

Ol dispela foapela kriket lejen bai stap insait long kantri inap long faivpela de. Ol bai mekim awenes long tupela bikpela siti bilong Papua Niugini, Pot Mosbi na Lae.

## Makoda bai go pas long opening na klosing seremoni

PASIFIK Gems Ogenaising Komiti (GOC) i tokaut pinis long husat bai go pas long opening na klosing seremoni bilong dispela bikpela pilai long neks yia.

GOC i sainim wanpela agrimen wantaim Makoda Prodaksen Limitet long dispela wik.

GOC i bin holim wanpela kompetisen o resis na ol i lukim olsem Makoda em i gutpela ogenaisesen long go pas bikos Makoda i bin winim dispela kompetisen.

Makoda em i wanpela kampani bilong Papua Niugini yet we i save go pas long

mekim ol wok olsem musik, video, televisen, na ol arapela kalsa wok nabaut.

Siameri bilong GOC, Emma Waiwai, i tok Makoda i gat talen na GOC i gat strongpela bilip olsem Makoda bai stretim laik bilong ol manmeri bilong Papua Niugini na Pasifik long taim ol i go pas long opening na klosing seremoni.

Misis Waiwai i tok Makoda em wanpela kampani we i gat luksave long intenesenel level, na ol manmeri husat i save wok insait long dispela kampani em ol manmeri bi-

long Papua Niugini na Pasifik husat i gat gutpela talen long musik, danis, video, na ol arapela samting bilong givim gutpela entatenmen long pablik.

“Mi i gat bilip olsem Makoda bai stretim laik bilong pablik, na ol manmeri husat i kam long ol arapela kantri bilong Pasifik bai amamas long wanem samting Makoda bai kamapim,” Misis Waiwai i tok.

Misis Waiwai i tok Makoda bai soim stret gutpela entatenmen na ol manmeri husat i lukim bai no inap long lustingting.



**Ol biklain bilong GOC na Makoda i sanap wantaim. Tupela ogenaisesen i redi long wok bung long kamapim wanpela Pasifik Gems we ol manmeri bai no inap lus tingting long en.**



### Raun 6 Dro Sarere 23 Ogas 2014

#### Field 1

Time	Division	Team		Team
0800	U19B	Buria FC	v	Valley Strikers FC
0900	D1W	Team Treasury	v	NamoSouths FC
1000	D1W	Bau Foots FC	v	BagitaPascols FC
1100	BLW	Zuringi Youths FC	v	Morobe United FC
1210	ALW	Buria FC	v	Valley Strikers FC
1320	D1M	Bau Foots FC	v	BagitaPascols FC
1440	ALM	Buria FC	v	Valley Strikers FC
1620	BLM	Bali FC	v	Oro United FC

#### Field 2

Time	Division	Team		Team
0800	U17B	FC Wantoks	v	City United FC
0900	U17B	Buria FC	v	Valley Strikers FC
1000	D1W	Masters FC	v	Auditor Generals' Office FC
1100	BLW	Matrix FC	v	Simla FC
1210	D1W	NasVill FC	v	MorataComm FC
1320	BLM	Matrix FC	v	Simla FC
1440	BLM	Zuringi Youths FC	v	Morobe United FC
1620	D1M	Team Treasury	v	NamoSouths FC

#### Field 3

Time	Division	Team		Team
0930	U15G	FC Wantoks	v	City United FC
1020	U15G	Buria FC	v	Valley Strikers FC
1120	U17G	FC Wantoks	v	City United FC
1220	U17G	Buria FC	v	Valley Strikers FC



### Raun 6 Dro Sande 24 Ogas 2014

#### Field 1

Time	Division	Team		Team
0800	U17B	Murat FC	v	PNGIPA SOG FC
0900	U19B	FC Wantoks	v	City United FC
1000	BLW	Bao GYs	v	Simla FC
1100	ALW	FC Wantoks	v	City United FC
1210	D1M	Masters FC	v	Auditor Generals' Office FC
1320	BLM	Bao GYs	v	Simla FC
1440	ALM	Murat FC	v	PNGIPA SOG FC
1620	ALM	FC Wantoks	v	City United FC

#### Field 2

Time	Division	Team		Team
0800	U19B	Murat FC	v	PNGIPA SOG FC
0900	D1W	Kaza United FC	v	Nagavas FC
1000	BLW	Bali FC	v	Oro United FC
1100	BLW	Souka Drifters FC	v	NiuLukBaos FC
1210	ALW	Murat FC	v	PNGIPA SOG FC
1320	D1M	Kaza United FC	v	Nagavas FC
1440	BLM	Souka Drifters FC	v	NiuLukBaos FC
1620	D1M	NasVill FC	v	MorataComm FC

#### Field 3

Time	Division	Team		Team
0930	U15G	Murat FC	v	PNGIPA SOG FC
1020	U17G	Murat FC	v	PNGIPA SOG FC

BYE		
NO	DIVISION	CLUB
1	DIVISION ONE	Dept of Labour & Industrial Relations



# Bisini bai kam gut long 2015

**Isaac Liri i raitim**

LONG olgeta spot fasiliti insait long Pot Mosbi, Bisini spot graun em wanpela hap we planti pilai i save kamap long hap.

Ol kain pilai olsem netbal, soka, softbal, ragbi yunien, kriket na AFL i save kamap long dispela hap.

2015 bai lukim Bisini i kam gut bikos gavman i putim bikpela mani long stretim ol spot fasiliti long hap. Gavman i putim mani mak inap long K84 milien long stretim Bisini.

Long las wiken, Pasifik Gems Veniu na Infrastraksa Komiti i bin pasim Bisini. Olgeta pilai we i save kamap long Bisini bai kamap long ol arapela hap.

AFL bai kamap long Tau-rama, softbal long Murray Bareks na soka long Kilakila Sekenderi skol.

Wok kontraksen long stretim Bisini Spot Graun i gat tupela hap, namba wan hap i stat pinis na namba tu hap bai stat long Oktoba.

Long namba wan hap bilong wok kontraksen, ol i rausim ol haus, na long

namba tu hap ol bai sanapim ol nupela haus.

Kampani husat i kisim kontrak long wok long namba wan hap bilong kontraksen em Associated Builders and Contractors Limited. Dispela kampani i winim kontrak long stat bilong dispela mun.

Pasifik Gems Veniu na Infrastraksa Komiti i no tokaut yet long husat kampani bai wok long namba tu hap bilong wok kontraksen.

Vais Siaman bilong Pasifik Gems Veniu na Infrastraksa, Mel Donald, i tok olgeta wok bai pinis long mun Me long

neks yia.

Bisini Spot Graun em wanpela spesol spot graun long Pot Mosbi bikos planti manmeri husat i dai pinis na i lapun nau i save yusim dispela hap long pilai spot.

Sampela ol biknem softbal pilaia husat Bisini i bin lukautim na kamapim ol, em John Billy Tokome, Jack Pidik na planti moa.

Bisini i bin lukim planti kain kain spot manmeri i kam na i go. Dispela ples i holim kain kain memori bilong planti spot manmeri bilong Papua Niugini.



## Ol provins i no redi long PNG Gems

**WANEM** tru i asua na ol provins i no hariap long redi long PNG Gems? Dispela em wanpela bikpela askim yumi mas askim.

Dispela yia bai lukim namba 6 PNG Gems. Long taim dispela nesenel pilai i bin stat long 2003, yumi bin lukim planti hevi long redi long kamapim gut dispela pilai.

Nau sapos yu lukluk gut long ol wok redi bilong wan wan provins, bai yu lukim olsem sampela provins i no redi yet.

Wan wan provisal gavman i save yusim bikpela mani tru long kamapim dispela pilai. Wan wan provinsal gavman i givim pinis mani bilong redi long dispela pilai tasol ol manmeri husat i save go pas long helpim ol spot manmeri long redi i no soim gut wanem samting ol i wokim.

Olgeta provins i gat tupela yia long redi tasol ol i no mekim wanpela samting na taim i kam pinis.


Mi wokabout i go long wan wan provins na mi lukim olsem ol provinsal opisa i no gat plen na mi no wanbel tru long dispela.

Neks PNG Gems bai kamap long Wes Nu Briten long yia 2016, na wan wan provins i mas mekim gut long dispela taim.

Nau taim i sot pinis na ol Provinsal Gavman na PNG Spot Faundesen i luksave olsem wok redi bilong sampela provins i no kam gut.

Dispela kain pasin long isi isi i save bagarapim divelopmen bilong spot long kantri...

**Lukim yu gen neks taim..**



Masta plen bilong Bisini Spot Graun.



Wok kontraksen bilong Bisini i stat pinis na ol i rausim ol haus i go daun.

# Wimems Yut Soka Tonamen bai kamap

**Isaac Liri i raitim**

YUT Soka Tonamen bilong ol meri bai kamap long neks mun, na Nesenel Kapital Distrik Pablik Sevans Soka Asosieisen (NCDPSSA) bai go pas long hostim dispela tonamen.

Tablebirds em i namba wan sponsa bilong dispela tonamen.

Long bipo, dispela tonamen i save kamap long ol arapela provins, na dispela yia em namba wan taim bilong tonamen long kamap

long Pot Mosbi. Vonnie Kapi Natto, Presiden bilong NCDPSSA i tok divelopim yut soka em i wanpela bikpela samting.

Misis Natto wantaim ol eksekutiv bilong em i wok strong yet long divelopim wimems yut soka long NCD

na long kantri. NCDPSSA i luksave long sampela yangpela meri pinis husat i gat stail long pilai soka na ol i mekim wanpela skwat pinis.

Dispela skwat i gat 50-pela meri insait na ol selekta bai rausim wan wan

long taim bilong trening na bihain kamapim fainel skwat bilong NCD long pilai long dispela Wimems Yut Soka Tonamen.

Dispela tonamen bai gat tupela divisen. Em long anda 15 na anda 18.

Dispela tonamen bai

givim sans long ol PNGFA na ol arapela soka asosieisen insait long kantri long luksave long ol yangpela meri husat i gat save na skil bilong pilai soka.

Tim NCD i stat trening pinis long redi long dispela tonamen.

## Goroka makim skwat bilong Hailans Rijon Trails

**Sape Metta i raitim**

BIKPELA pilai bilong Hailans Rijon trails bai kamap long Rabiamul long Maun Hagen, Westen Hailans long dispela mun Fraide 29 i go long Ogas 31.

Goroka Ragbi Futbal Lig i makim 23 pilaia man skwat na 20 pilaia meri skwat long pilai long dispela trail.

Long makim ol skwat bilong ol man em, Pate Simo, Opi Aeno, Ryson Hoyato, Lawrence Tatsim Junia, Philemon Gimisive, Sonny Bee Kera, Kaykay Kaupa, Daniel Kera, John Auwo,

Junior Markham, Ekeu Kumgi, Jay Kay Mube, Tossie Hoffman.

Ol risev em Tossie Stanley, Gil Maima, Ovezo Luhule, Apo Vincent, Joe Paluse, Michael Aidawa, Charlie Smith, Joppa Dick, Joel Yaku na Ken Pete.

Tim kosa em George Abba, trena Dixon Gene, na tim menesa Rawiri Sabumei.

Wimen skwat em Kevlyn Ogiso, Rihanna Sabumei, Anne Oiyufa, Roselyn Nul, Koro Furimo, Mary Maima (kepten), Sorodge Sabumei, Lina Joshua, Serah Eno, Wauname Sogavo, Christine Sogavo,

Avem Kaiyo na Linsey Luis. Ol risev em Whitney Posa, Fay Sogavo, Rebecca Oscar, Maggie Robert, Melissa David, Vicky Kusson na Lucy David.

Tim kosa em Jimmy Maima, trena Akuiya Sabumei, na tim menesa Margaret Sabumei.

Trening bilong tupela skwat wantaim i stat pinis long Mande long dispela wik na bai go het inap long neks wik Trinde.

Long Fonde tupela tim wantaim ol opisal bai go antap long Maun Hagen na rijon trails bai stat long Fraide.


## Yangpela weitlifita kisim nupela rekot

YANGPELA weitlifita bilong Papua Niugini, Igo Lohia, i amamas tru long pefomens bilong em long 62kg long Yut Olimpiks long Saina.

Lohia em i bilong Hanuabada, na em i liklik long olgeta weitlifita husat i salens wantaim em long 62kg divisen.

Totol weit em i apim em 175kg, na dispela em i nupela rekot bilong em long dispela spot.

Kosa bilong em, Dika Toua, i amamas tru long Lohia. Em i tok olsem Lohia i bin bungim bikpela salens long spot laip bilong em, long wanem, em i no bin save tek pat long 62kg long bipo.



Igo Lohia kisim nupela rekot long Yut Olimpiks.






# SPOTS DRO RAUN 24

Fonde: Ogas 21, 2014


7.30pm



**ANZ**  
Bulldogs V<sup>s</sup> W/Tigers

Fraide: Ogas 22, 2014


7.30pm



**Pirtek Stadium**  
Eels V<sup>s</sup> Sea Eagles


Sarare: Ogas 23, 2014

6.30pm



**Suncorp Stadium**  
Broncos V<sup>s</sup> Knights


8.30pm



**ANZ Stadium**  
Rabbitohs V<sup>s</sup> Cowboys


Sande: Ogas 24, 2014

12.00pm




**Mt. Smart Stadium**  
Warriors V<sup>s</sup> Roosters

2.00pm



**Remondis Stadium**  
Sharks V<sup>s</sup> Raiders


4.00pm



**WIN Jubilee Oval**  
Dragons V<sup>s</sup> Titans

Mande: Ogas 25, 2014

7.00pm



**Sportingbet Stadium**  
Panthers V<sup>s</sup> Storm

## Ol poto na stori i kam long NRL websait



**TIGERS:** Yutiliti pilaia bilong West Tigers, Keith Lulia, bai no inap long pilai nau bihain long em i bin kisim bagarap long nek bilong em long tupela wik i go pinis. Ol dokta i tok nek bilong Lulia i bagarap tru na em i mas malolo na kam bek gen long neks yia.



**PENRITH:** Fil gol bilong Matt Moylan bilong Penrith Panthers i bin helpim ol long winim ol Cowboys long Mande nait 23-22. Dispela yia em i namba tu taim bilong Moylan long kisim fil gol na helpim tim bilong em long win. Em i bin mekim wankain samting long las raun 18 taim ol i bin pilai egensim Brisbane Broncos. Win bilong Panthers i nau lukim ol i sindaun namba tri long NRL lata.

**SEGEYARO:** LONG Mande nait taim Penrith Panthers i pilai wantaim North Queensland Cowboys, sta huka bilong ol Panthers James Segeyaro i bin kisim bagarap long lek bilong em bipo long pilai i pinis. Sapos ol dokta i tokim Segeyaro long no ken i pilai long dispela wiken, ol Panthers bai kisim taim bikos Segeyaro em wanpela pilaia husat i bin helpim ol long winim ol gem bilong ol long ol wik i go pinis.

### Raun 23 Poin Lata

Pos	Tim	W	B	L	D	Pts
1.	Sea Eagles	15	2	6		34
2.	Rabbitohs	14	2	7		32
3.	Panthers	13	2	8		30
4.	Roosters	13	2	8		30
5.	Storm	12	2	9		28
6.	Bulldogs	12	2	9		28
7.	Cowboys	11	2	10		26
8.	Warriors	11	2	10		26
9.	Eels	11	2	9		26
10.	Broncos	10	2	11		24
11.	Dragons	10	2	11		24
12.	West Tigers	9	2	12		22
13.	Titans	8	2	13		20
14.	Knights	8	2	13		20
15.	Raiders	5	2	16		14
16.	Sharks	5	2	16		14

### QRL Intrust Super Cup draw

Round 25 (23-24 August)		
Home	Vs	Away
Pride		Ipswich
Souths		PNG
Wynnum		Bye
Burleigh		East
Redcliffe		North
Sunshine Coast		Tweed
Mackay		Capras

## Hunters gat liklik sans i stap

### Isaac Liri i raitim

PAIA bilong ol Hunters i bin dai long las wiken taim ol Wynnum Manly Seagull i winim ol 28-10 tasol sans bilong ol long pilai long fainel i stap yet.

Hunters i sindaun namba 6 long Intrust Super Cup lata inap long tripela wik ol-geta nau wantaim 29 poin. Gem bilong ol egensim ol Souths Logan Magpies long dispela wiken em i wanpela gem we ol i mas

winim sapos ol i laik go het na pilai long fainel.

Ol Hunters i no gat bikpela sans tumas, long wanem, ol bai nidim Ipswich Jets na Tweed Head Seagulls long lus long givim sans long ol i go antap long top faiv na pilai long fainel.

Ol Hunters i no bin kam bek long kantri taim ol i go daun long Australia long las wik na long dispela wik ol i bin trening tasol long hap long redi long dispela gem bilong ol long dispela wiken.

Sapos Hunters i lus long dispela wiken, ol bai nogat sans long pilai long fainel, na ol bai traime gen long neks yia.

Kosa Michael Marum i mekim liklik senis tasol long lain ap. George Benson

husat i bin stap aut bikos long sampela bikhet pasin bai kam bek gen insait long skwat.

- Lain ap em;**
1. Israel Eliab ©
  2. Garry Lo
  3. Thompson Teteh
  4. Jason Tali
  5. Adex Wera
  6. Dion Aiye
  7. Roger Laka
  8. Timothy Lomai
  9. Wartovo Puaa
  10. Esau Siune
  11. George Benson
  12. Sebastian Pandia
  13. Adam Korave

- Risev:**
14. Noel Zeming
  15. Willie Minoga
  16. Albert Patak
  17. Lawrence Tu'u
  18. Brandy Peter

Pos	Tim	W	B	L	D	Pts
1.	Northern Pride	19	2	3	0	42
2.	East Tigers	15	2	6	1	35
3.	WM Seagulls	16	2	6	0	34
4.	Ipswich Jets	14	1	7	0	32
5.	TH Seagulls	14	1	8	1	31
6.	Hunters	13	1	9	1	29
7.	Bears	10	1	11	1	25
8.	Mackay Cutters	10	2	11	0	24
9.	Devils	9	2	13	0	22
10.	Magpies	9	2	13	0	22
11.	Dolphins	8	2	13	1	21
12.	CQ Capras	4	2	17	1	13
13.	Scoast Falcons	1	2	21	0	6



# Ol spot poto long wiken...

Ol Poto Nicky Bernard.



Bisini soka graun i redi long lukim nupela stail.



Sofbal pilai graun i statim pinis wok long nupela pilai ples.



Bikpela trakta bilong ol kontrak lain husat i wok long stretim Bisini na Amani pak.



Beks bilong Maclaren i redi long autim bal.



Pilaia bilong Rapatona i pasim pilaia bilong Maclaren long Supa lig resis long Bisini. Dispela pilai bilong ol em laspela long Bisini soka graun.

**TOKSAVE:** Salim ol spots dro bilong yu kam long Feks; 325 2579, e-mel;[bveo@wantok.com.pg](mailto:bveo@wantok.com.pg) o kam lusim long Wantok Niuspepa opis long Able Building Complex long Central Waigani, NCD.





*Moa oil na meat insait*



# Wigmen- Gurias gren fainel

**KALABOND Oval long Kokopo bai paia lait long dispela wiken taim ol Hela Wigmen bai pilai egensim ol Agmark Gurias long gren fainel bilong Digicel Kap.**  
Hela Wigmen husat i bin kam insait long kompetisen long 2010 bai pilai namba wan gren fainel bilong ol long dispela wiken. Ol Wigmen i bin mekim ol manmeri i kirap nogut taim ol i autim ol maina primia, Snax Lae Tigers long las wiken.  
Dispela yia i bin lukim ol Wigmen i pilai strong tru bikos i bin gat sampela ol biknem pilaia olsem Charlie Wabo na Joseph Omae husat i bin helpim ol long winim planti gem long dispela yia.  
Long sait bilong ol Agmark Rabaul Gurias, em i no nupela samting long pilai long gren fainel. Ol i bin pilai long tenpela gren fainel pinis, na ol bai lukluk long winim gen taitel long dispela yia.

---

Husat bai kisim kap? Wigmen o Gurias!

---

